

湘蘭合稿



琴生氏藏



湘齋
合藁



寤湘樓詩藁

二卷

詞藁

一卷

蘭香館吟艸

一卷

坵繡餘詞

一卷

光緒庚辰春日常熟宗氏刊行

夢湘樓詩藁二卷詞藁一卷長姑婉生氏所著也叔祖補齋先生三娶於錢其季爲咀霞夫人四川布政使鏊之女孫故工翰墨生三子二女姑其仲也甫脫襁褓卽嫻吟咏先生遠客粵東姑寄詩云椿庭別後嬾吟哦聊把離懷付短歌弟幼妹嬌兒自愛阿孃多病奈愁何時猶未笄耳家故在石梅山麓左挹辛峰右連言墓朝嵐暮靄蒼翠可摘庚寅吾祖歸來爲築揖山樓姑於是提挈弟妹拈豪吮墨其間吟聲時時落簷際人望之以爲神仙不過也旋賦于歸未幾先生亦歸道山內外喪屢出姑儼然無所依倚始以筆硯自贍就館南郊與輔居相近讀書之暇不時往謁

總序

一

相與論詩輔謂簡齋之於少陵猶顏淵之於孔子學詩者當由之以趨黃陳上規韓杜餘則以誠齋后村博涉其趣姑則取詩中有人之說謂法自文生聲隨境易故自抒所得不屑屑依傍古人而又能樂善通中不封已自域嘗示雜感十絕輔誦至不信鄰姬還道我依然顏色勝桃花之句稍躊躇卽應時改定又以輔恬於進取頗加策勵嘗就試學使有高譽姑寄書云聞吾姪詩賦文藝又作第一人令愚一種欣羨之衷不由不全達於外幸毋哂我好名之心熱也爰寄小詩示意誰秉量才尺文宗眼最明兩番消息好不負舊聲名本是親親誼原非泛泛論數行書燭下

鑒我苦心存甚矣姑之愛我如此其真且摯也亂後輔寄
家崇明姑則北上音問稍愒闊矣辛未入都始往一晤丁
丑復與計偕意忽忽不樂將假疾南旋而表弟夔生以直
刺就官山石花南亦得北河通判同時出都省母偕行至
保定六年不見白髮鬢髯頹然老矣夜闌秉燭相對如夢
開緘出詩涕淚并集輔亟跼請持歸寫付手民姑許之復
乞仲姑詩儷焉蓋時仲姑方從姑壻鐵雲卸衡山縣篆回
省也甫抵家而母病旣丁母憂生意殆絕橐閉篋中久不
寓目小祥後始出料理之蓋距受橐時已二年矣歲月不
居熒熒鮮民徒塵糞於世爲百憂所攻而知我愛我如姑
者復遠在數千里外會合無時一燈青熒抽豪點勘前塵
影事瞥墮當前撫今追昔能勿感哉能勿感哉刻旣成爲
序其緣起如此後附繡餘草者從山谷詩後刻伐檀集例
也光緒六年歲次庚辰正月十六日棘人姪廷輔謹序

總序

壬戌秋余以事過保定見蕭子夔生於陸鐵雲寓舍夔生言吾邑陷後與其母夫人相失閒關賊中身被數刃徒跣行千里始得見母於江上遂奉其母依於陸氏意慘然也今年夔生來應秋試出其母夫人所爲詩一卷曰夢湘集凡三百數十首淵淵乎正始之音焉夫人性通敏習經史嘗教授於里中女弟子從之者甚眾蓋自婦教衰而女師之職廢織紉組紃酒漿籩豆之事或不習而於經義益槩乎未有聞也若夫人者賢而多能庶幾漢之班氏晉之宋氏哉夔生承母教恂恂好學敦樸有守立身揚名當務其大者遠者而何阨窮困頓之足以墮其志乎因書其語以

序

題集後甲子中秋翁同龢識

夢湘樓詩藁卷上

夢悟

層層樓閣夢中開。此地依稀舊到來。記得月明最高頂。天風吹我下蓬萊。

寄懷家大人時赴伯父粵東任所

初離膝下時。朝暮常相憶。轉眼半載餘。中心更徘徊。翩翩空中鳥。欲飛有羽翼。薄薄天上雲。欲行仗風力。身非鳥與雲。飛行不可得。思親在異鄉。迢遞隔南北。有女在晨昏。不能視顏色。迢迢客路長。渺渺江流直。兒身恨難隨。兒心在

夢湘樓詩藁卷上

親側。手緘一幅箋。心盡數行墨。

又寄

膝下睽違久。親懷定黯然。故鄉經歲別。離思一家牽。目斷浮雲外。心馳夕照邊。匆匆寒食近。又過杏花天。

春晚

一簾紅日曉光浮。簾外東風響玉鉤。半掩畫屏人未起。似聞鸚鵡喚梳頭。

春夜

深院沈沈暮靄籠。迴廊寂寂暗香通。柳邊情緒花間影。一片吟魂繞此中。

此中滿貯月華明。一帶簾波捲水晶。細數今宵正三五。素娥與我恰同庚。

春曉集句

荼蘼狼籍舞風斜。深掩妝窗臥碧紗。昨夜不知春已老。夢中猶記詠梅花。

秋海棠

冷艷幽香別樣妍。好將淚點認生前。三更夢醒悄無語。一徑月明秋可憐。入骨酸辛懷夕夕。斷腸消息誤年年。美人病後心情嬾。倚到西風倍愴然。

夢湘樓詩藁卷上

烟涼月不分明

消魂顏色斷腸紅。幽徑荒苔放幾叢。莫向西風問消息。誤他消息是西風。

夏夜登小蓬萊閣同麗生二弟晉作

近水花如夢。當窗樹作屏。玉簫閒一弄。夜氣忽吹醒。衫薄縈香霧。鬟低墜素馨。隔牆誰笑語。扶月悄然聽。

秋夜

淡到無言處。吟魂欲上天。一條銀漢影。飛落小窗前。露滴無聲雨。雲拖不斷烟。小鬟隔花語。何事竟忘眠。

春閨雜詠

嬾整雲鬟粉未施。鏡鸞相對惜芳姿。春來何事添清瘦。半
爲梅花半爲詩。

碧紗窗裏翦紅綃。窗外輕寒透綺寮。低囑東風休做雨。百
花生日是明朝。

深深亭院靜無譁。閒倚闌干夕照斜。一種春情誰領受。東
風吹醒小桃花。

湘簾半捲掩重門。倚遍闌干玉漸溫。燕子不來花落去。碧
紗窗外又黃昏。

夜坐
焚香不鼓琴。小坐北窗陰。月色散爲夢。秋聲聚到心。一仙

夢湘樓詩藁卷上

三

騎鶴過空際。發高吟對此忽有得。清風吹我襟。

悵望碧雲合。空庭夜寂寥。倚闌人不語。窺戶月無聊。風靜
竹陰直。露涼花氣嬌。吟魂渺何處。淒斷隔牆簫。

詠蘭三章同麗生弟作

秋風一搖蕩。池荷漸飄零。傷彼蕙蘭花。豈無遲暮心。

我本素心者。素心愛此蘭。夢迴楚江畔。誰取瑤琴彈。

琴亦不復彈。花亦不復開。吁嗟湘夫人。一來不再來。

又占三絕

不遇楚公子。素心誰與申。年年空谷裏。憔悴有餘春。

空山一美人。不藉鉛華御。卻於冷淡中。別有風流處。

花與人俱淡，根連葉盡香。有心紉作佩，何惜涉三湘。

新秋

星星螢火點蒼苔，六幅紗窗扇扇開。涼意未容雲約住，秋
心先被月鉤來。襟懷灑落原無垢，詩思空明不染埃。清境
可人人未臥，夜深猶自倚樓臺。

春夜讀書分題詠燭

未許流波暗裏侵，殘煤欲翦意沈吟。光明炳我千秋眼，惟
悴憐他一寸心。禁院恩分蓮葉炬，碧窗夢破海棠陰。短檠
矮几斜凭處，何必推窗待月臨。

折蘭

夢湘樓詩藁卷上

四

湘靈弄影是耶非，一翦擎來露溼衣。斟酌欲簪雲鬢側，怕
他蝴蝶上頭飛。

秋夜懷嫂

秋心怯與病相干，脈脈離懷無計寬。今夜吟魂淒欲斷，梧
桐陰裏十分寒。

閒窗寂寂掩秋風，冷露無聲下碧空。幾摺闌干人不見，夜
深橫向月明中。

山茶和麗生弟韻

寶珠花放玉階前，豔煞江南雪後天。一點頂紅疑是鶴，幾
枝淚血誤爲鵲。移來紫府能驚俗，種到丹邱欲化仙。富貴

還舍山澤意。珊瑚七尺破霜妍。

大紅

天研絳雪入明霞。散作山頭絕豔花。略帶靚妝偏雅淡。不

須濃抹也繁華。一枝先醒桃源夢。單葉初裁杏子紗。未必

楊妃真國色。總因品定始堪誇。

粉紅

一片冰姿映夕暉。水晶簾外影霏微。海棠無骨由他豔。梔

子同心愛汝肥。玉作精神疑蜀后。雪扶標格傲江妃。尋常

兒女休相妬。脂粉行中本色稀。

本色

金波點點綴芳叢。試比黃金又不同。有迹未能鎔夜月。無

聲偏愛灑春風。香浮岷嶺微凝白。雪降嶸山欲墮紅。天女

若將花一散。空原是色色原空。

灑金

夢湘樓詩藁卷上

五

春水

莫問愁深淺。年年綠到門。柔情流不斷。春夢去無痕。膩遠

天涯路。青搖柳外魂。美人隔千里。南浦暮雲昏。

春烟

柔翠蕩晴空。東風吹更濃。春愁殊未醒。花夢轉添慵。曉閣

雨中樹。夕陽江上峯。相思楊柳外。更隔一重重。

紅梅歌

春花冶豔何足誇。牡丹芍藥空繁華。我心惟願眾香國。一

齊都化紅梅花。梅花素性厭妝飾。醉飲流霞換顏色。一枝

玉笛吹夢醒。老鶴歸來不相識。月明隔斷紅塵紅。香痕沁

入空山。空春風一吹，雲氣活。豔情如水圍當中。豔情豈許羣芳妬。水邊竹外紅妝露。分明此地是江南。翻疑錯入桃源路。

簾波

玉鉤纔下便朦朧。咫尺瀟湘路不通。涼瀉月痕流活碧。暖翻夕照漾殘紅。堂堦暗隔無聲水。花影齊吹破浪風。燕子不來深院靜。一痕秋夢溯洄中。面香空處畫簾人空在。暮春有感。

春去太匆匆。深閨掩綺櫳。三分傷酒病。一陣落花風。芳草無情碧。斜陽有意紅。低徊人不語。悄立小樓東。

夢湘樓詩藁卷上

六

題美人圖

娟娟修竹綠參差。曲曲回廊引步遲。轉過粉牆人不見。假山影裏立多時。

欄干近水易生涼。面面荷花面面香。翠地畫簾人在否。綠陰如夢隔瀟湘。

夢遊仙吟

異境夢中開。此行殊快哉。銀河一萬里。直接到蓬萊。揮手月華迥。破空仙語來。罡風莫吹我。絕頂有樓臺。

賦得詩雜仙心

唱出紅塵外。清才逸似仙。誰將題紫府。我欲問青天。敏捷

千言落玲瓏一線穿
筆花開夢裏蓮
葉悟身前闥苑知何處
蓬山思渺然
三生真面目
七字舊因緣
秋水神俱淡
春風意共妍
珠璣隨手灑
丰致覺翩翩

香奩詩追和鄉先輩吳竹橋先生

蔚光原韻

珠箔銀屏面面環
亭亭小立畫圖間
人云慧業能妨福
天與詩才必愛閒
紙尾有時題草押
鞋尖無意染苔斑
生憎一片桃花影
和著斜陽正玉顏

雲作羅衣月作環
此身宛在碧霄間
蕊宮有夢連宵記
銀漢無聲竟夕閒
楊柳情長牽似線
桃花淚點漬成斑
殷勤試向嫦娥問
誰似伊家絕世顏

夢湘樓詩藁卷上

七

詞對鏡

詞對鏡

一泓秋水冷盈盈
照徹容光分外清
憔悴更無人似爾
端詳真使我憐卿
眉彎鎖三分黛
臉暈紅消兩瓣
醒自歎年年愁裏過
漫勞夫婿說傾城

柳外東風響玉鉤
水晶簾捲試梳頭
展開一面琉璃界
照出三重翡翠樓
位置端宜高處好
光華莫向暗中投
願君留取團圞影
只照歡娛不照愁

風意示外

漫論文章不如寸心愁結那能舒
小窗燈火黃昏後猶自低聲勸讀書

漫論文章不如寸心愁結那能舒
小窗燈火黃昏後猶自低聲勸讀書

日對衆生妹新婚後歸寧詩以贈之
畫堂燈彩影重重。掩映門闌喜氣濃。
博得老親添笑語。此番真箇是乘龍。

盈盈喜氣滿華筵。想到分離又黯然。
此後不須頻念我。畫眉夫婿似神仙。

柳陰深處小窗開。飛絮濛濛入玉臺。
幾陣暖風吹夢醒。一團和氣撲人來。
兜將羅袂輕無迹。襯到花茵軟有胎。
我亦因風吟思切。低徊歎想謝家才。

樓頭垂柳復垂楊。兩樣花飛一樣忙。
似爾亂翻迴雪舞。有人未卸薄棉裝。
匆匆聚散春三月。草草生涯水一方。
門外海棠零落盡。又隨蝴蝶過東牆。

詩情畫意兩纏綿。纔著思量便渺然。
一路斜陽風有影。半窗晴雪暖生烟。
微雲淡月迷何處。短夢輕塵憶去年。
閒看小鬟爭捉取。碧紗幙外曲闌邊。

天涯離合豈無因。莫道匆匆易誤人。
萍水新添三尺浪。楊花併作一家春。
欲知天半飛騰志。祇問風前現在身。
更羨他時圓絮果。尙能東海護潛鱗。

白楊風急夜蕭蕭。正是兒生廿一日而殤。

悼雲兒兒字阿雲生二十一日而殤
白楊風急夜蕭蕭。正是兒生廿一日而殤。

杯黃土恨難消海落夜全無更天 燈暗文章空山 掛

枕畔何曾一刻分 喘殘餘息徹宵聞兒患喘疾而歿 彩雲易散真

成識 悔把兒名喚作雲 秋蟻思心詩林燈 靈玉懸 具問可

老姑長慟痛孫亡 夫壻枯眸悼子殤 惟我傷心轉無淚 爲

兒檢點殮時裝外靈芝陳餘太

匆匆瘞玉已黃昏 灰燼爐香夜不溫 藥瀋淋漓盃滿案 斷

腸處處尙留痕來水餘平風向 遊臺對中融 半感 蕭懸 魂

閨人壬寅上元前二日 閨人有以素袖索題者 時值春陰

寒 燈已久 烟雨迷離 觸景興懷 率成四律 詞之工拙所

難表 附不計也 絲問詩 關于言 恨思時 則未洽 也 雲東 謝

夢湘樓詩藁卷上

輕寒惻惻雨絲絲 閒倚闌干有所思 柳眼未舒防雪凍 梅

魂欲動怕春知 渺懷深思凝愁久 短歎長吟得句遲 底是

閨人偏好學 幾回向我索新詩 小篆辭索韻 香初 面春 劍

索寫新詩幾度來 冰綃手展向妝臺 機中錦字憑誰織 腕

底金梭費我猜 慧思直將花樣奪 深情未忍剪刀裁 題成

莫漫評工拙 還仗靈芸刺繡才

筆吐心花墨吐香 筆花墨彩共飛揚 居然繡譜開生面 特

與金閨助豔妝 撲蜨暗藏羅扇小 折花微露玉纖長 閒同

女伴尋芳去 把袂依依話夕陽音聞 寒面 雲長 黃

霜 嫌一幅數行詩 花卉全無更入時 敢謂文章空色相 嫩

隨兒女買胭脂唾華猶記昭陽事倚竹還興空谷思從此
綠紗窗格底又添繡縷幾多絲

采蘭詞代笑卿作

讀風十篇詩益益益十四卷氣味

采蘭采蘭兮水之湄紫莖綠葉兮何歲蕤眾芳雜處兮知
汝者誰欲折不折兮秋風吹

采蘭采蘭兮蘭未開碧雲暮合兮琴聲哀盈盈二水兮渺渺
予懷美人不來兮秋風來

和詠蘭夫人詩又昔年笑猶猶之類立於世言

讀罷離騷翠袖單悄然無語對幽蘭碧雲飛去吟魂斷抱
得瑤琴不忍彈

夢湘樓詩彙卷上

十

題湯雨生都督太夫人斷釵吟圖

武進湯雨生先生貽汾一門忠孝以難磨游升今職少

時孤露賴太夫人楊氏青年矢節撫之成立先生就官

粵東與牧厓伯父通家甚暱故婉在閨中得聞太夫人

懿行今獲觀此圖尤不勝慨仰謹題長句紀之

梧桐枝上雙鳳凰藕花洲畔雙鴛鴦鳳凰分飛不復聚鴛

鴦驚散難成雙弘農名媛才而淑良緣恰締中山族椿庭

愛若掌中珠旋賦桃夭諧鳳卜記得盈盈十四春巖親初

賜玉釵珍于歸釵亦藏奩具仍向妝臺伴玉人方期永舉

梁鴻按海外煙塵忽紛亂夫婿慨然成令名其時號泣不

欲生旁人相感還相勸。後嗣英賢勿悲惋。鸞鏡中塗業已分。鴛機教子何須斷。聞言暫息從亡思。金簪玉環俱不施。昔聞吟詠情常寄。到此全灰吟詠意。春去秋來年復年。賜釵人又隔重泉。愁中歲月頻更換。夢裏家山幾變遷。舊夢新愁似夢手。把當年玉釵弄。玉釵無恙依然完。恩情已斷難重圓。一朝釵股忽雙折。恰似恩情中道絕。釵乎釵乎爾何心。問釵無語爲釵吟。蘇詩對明長官

不問楊造飛先生

希濂

著虞邑幽光集錄及亡弟麗生之

畫勸想作披覽之餘。泫然賦此。

荆枝摧折久。忍覽舊篇章。入夢有時見。中懷無日忘。讀殘

夢湘樓詩藁卷上

十一

詩一卷揮盡淚千行。天意如留汝何難到玉堂。日念蕭

慰韻生弟小試失利

韻生

不聞捷報擾晨眠。未免令人意索然。學業淺深原在汝。功名遲早總由天。但看爐火純青候。卽是宮袍挂綵年。爲語連枝莫惆悵。還須勤苦向窗前。

豫上元前一夕梅花下感作再疊前韻

然未思韻日

花滿瑤階月滿臺。花香月色共飛來。入春又是將圓夕。處世偏多不偶才。閒悶閒愁難自遣。或歌或哭任人猜。無心更索寒梅笑。辜負南枝向我開。

競渡竹枝詞同月。勸姪

廷輔

作

樂事從來盛我虞，每逢競渡更堪娛。畫船十里連橋歇，一幅西湖仕女圖。

柳蕩微風拂面柔，蘭橈桂楫聚中流。十年不作繁華夢，破例今朝也出游。

出遊先向水莊西，謂王榮村秀才西莊草堂宿雨初晴草色肥。似覺輕

寒猶料峭，悔教未帶薄棉衣。

一葉扁舟十里塘，清和天氣好時光。前村隱隱聞簫鼓，幾

處人家接李王。

畫舫因依背岸停，入時妝束各娉婷。羅裙一色秋葵綠，恰

稱輕衫是雪青。

夢湘樓詩彙卷上

三

輕棹劃破綠楊烟，鬢影衣香夕照邊。篙影矗天歌踏地，勝

游原在小湖田。

雅靚春衫窈窕姿，一叢叢似好花枝。怪他畫舫衝波急，不

許凝眸覷片時。

愧我年來事事慵，也隨女伴紀游蹤。烟波無際靈均渺，湖

上暮歸愁煞儂。

廷輔

殘春賽社競村氓，輪歲當頭有責成。曉起開窗先一笑，

一輪紅日掛銅鉦。

大湖田接小湖田，花帶霞光柳帶烟。到此櫓支都放緩，

一齊分泊大堤邊

鏜鏜亂擊小鑼圓。小隊飛來號擋船。絕技滾叉剛試過。

又排對子賭雙拳。

飄飄小旆蕩斜暉。催令龍舟獵一圍。旂幟亂顛划正急。

浪花如電打人衣。

蘭橈緩緩下西莊。梳影參差拂夕陽。十笏春波平似掌。

有人臨水試新妝。

蕭疏竹樹列琴書。記得瑯琊此卜居。八扇螭窗闌一摺。

家家水閣卷簾初。

振舵開頭捷有神。用杜長年如箭激飛輪。卽看湖上泛。

夢湘樓詩藁卷上

三

沅水劃碎頗黎一片春。

匆匆篙楫動河梁。一水淒迷引夢長。莫更臨流重惆悵。

再遲一月是端陽。

競渡後辭

廷輔

鶻聲牙牙作人語。明朝載我湖田去。湖田入藝田爲生。

例以水嬉迓田祖。柳綿未脫鷗天霽。一鏡空濛展寒翠。

鬪笑提壺挈榼行。卻成耽寂逃喧至。小童回首忽懼呼。

綠柳陰中見旂幟。一舟小泊依菰蒲。衆舟駢集如鳧趨。

人聲舟聲莽不辨。剎那已換清涼區。峩峩大扁何處來。

雲帷霞障陵風開。椒闌桂柱銜玫瑰。主人顧盼生光輝。

朱顏二八列坐陪。玉釵斜亶流雲墮。輕裾迴雪呈金疊。
中流行緩主人催。觴支夏響如奔雷。別有扁舟小於葉。
風帆斜支十軟篷。貼若有人兮低素羅。羅袂玲瓏裁月
窄。依稀認是汝南妾。一日之蜡例得循春。民自熙江南
春。誰持十戶中人賦。來覩空江薄澣人。

館中雜感

無聊鎮日掩柴扉。世態人情事事非。惆悵釵鈿俱典盡。不
須更問嫁時衣。

連牀燈火共吟哦。小少家庭樂事過。不止鮮民久增慟。在

天鴻雁已無多。

愚谷麗生先後不在今僅存韻生一弟

夢湘樓詩藁卷上

已是蕭蕭四壁空。惟憑夫婿話幽衷。蒼天何事偏讐我。又
復拋離半道中。

暮景蕭條膚澤枯。伶仃更痛白頭姑。邇來任有千行淚。每

到尊前總說無。

中饋艱難更莫支。下帷且作女郎師。十年燈火寒窗味。只

有青瑣約畧知。

萬愁交併緒如麻。久病無心理鬢鴉。女伴不知人瘦損。道

儂標格似梅花。

身似僵蠶已盡絲。心同槁木不生枝。惟餘一事難消卻。得
暇依然喜論詩。

辛苦頻年撫兩孤。芸窗舊業久荒蕪。時人莫漫誇多學。比似當初一半無。
鳳泊鸞飄。信命乖九齡稚子。繫人懷。不知曾減嬌癡否。昨夢催儂製錦鞋。

愁裏年華總斷腸。鏡中青鬢付流光。憑將身世無窮感。併向花前慟一場。

折蘭詞寄贈粲生妹

此間春夏多藝蘭。主人不到求花難。週圍護以墨紗障。四面繞以紅闌干。瓊樓美人在天半。捲簾佩玉鳴珊珊。妝成竟日還握管。吟情洋溢霜毫端。此時惟我萬愁集。對花強笑難成歡。思君憶君君不見。尺書欲寄無青鸞。蘭乎蘭乎。殊負爾伴我。終日眉常攢。不如持贈彼妹子。妝臺含笑長相看。

夢湘樓詩彙卷上

十一

賽社竹枝詞

纔看競渡鬧河隍。又見城中賽會忙。賺煞蘭閨諸女伴。拋殘鍼線日凝妝。
簇簇旌旗拂畫簷。行行儀仗列莊嚴。關心雛婢偏多興。遠聽金聲便揭簾。
粉牌起馬在前馳。小社先過財帛司。一樣旗鑼并扇繖。神儀謹仰覺仁慈。

彩旗五色捲雲霞，碌碌朱輪轉餉車。不信天曹也徵課，看
他四季進金花。

儼然少俊好丰標，頭上冠纓孔翠飄。一色繡衣黃馬褂，寶
刀如水佩齊腰。

圖名出獵傲春蒐，列騎明童縮雪矛。有箇黑衣斜抱虎，問
名彷彿武都頭。

稚女嬌兒竝玉顏，筍輿絡繹坐爬山。金閨俊眼偏憐爾，捲
幔爭看響佩環。

平臺列樹四圍方，中坐嫵娘錦繡裝。經過朱門呼細步，賺
他紈扇與香囊。

夢湘樓詩彙卷上

十六

墨羅衫子是茶童，淡淡時妝更不同。珠唾一枝斜插髻，紅
鬚五寸漾當風。

名駒錦帔步從容，隨轡紛綸列祖豐。胎豹蹯熊轉眼過，雕
成炬妝最玲瓏。

碧闌干外繡簾開，倚滿人家玉雪孩。底事一時齊退避，爲
驚七十二司來。

纔過香亭又表亭，仙音一派奏泠泠。鄉村亦有嬌兒女，爭
羨奇葩插玉瓶。

赤日披裘汗若珠，鞞鷹繼犬走中途。鄰翁笑指雛孫問，曾
識羣名獵戶無。

窄袖宮袍五色裁，符官太保竝嬰孩。更看黃蓋風飄動，寶扇徐遮看轎來。
社名土地另成羣，前執瓊珎瑋翠雲。一樣塗脂并抹粉，笑他男子著紅裙。
神前僧子狀雄驍，一色朱衣雉尾挑。越襯巡風態嬌稚，鈴聲鞭影總飄蕭。

式神

夾道香風錦繡堆，馬蹏得得起塵埃。笙簫聲沸神輿過，又見紛紛後擁來。

社役如雲竝馬馳，爐烟十里裊香絲。捲旌突隊西趨疾，知是神祇上嶽時。

夢湘樓詩彙卷上

七

夕陽紅到畫簾鉤，多少如花盡下樓。待得滿簷燈燭上，冶游那箇不回頭。
吟毫久慣寫愁思，破例今爲歡樂詞。見說

北辰新御極，人神共慶太平時。

廷輔

賽會年來歲舉行，家家燒蠟禮神明。不須引演紛詮釋，試聽彎頭號子聲。

轅門鼓角起更籌，漠漠寒烟結暮愁。白日西沈烟四起，

此時正是祭牌頭。
鐵鎖銀鐺動地聲，陰風宰宰夜三更。可憐身死魂猶繫，

試展官符聽點名

是夕復取囚斃獄者按籍呼名往督之出名曰弔陰犯

一肩油幕兩人擡奴子前行婢後催紙上僉名題犯婦

自家廟裏領批來

會晨捨身各犯向廟領批至三法司殿焚之良家淑媛染疾求痊者亦爲

之

隊隊狂犬標鷹容鋼刃如雪振鋸鋒太平年時無妖魅

青面獠牙怖煞儂

士奇集錄主人愛其惡怒重博贈

驀訝金童下碧霄裁霞鏤綺綴瓊瑤晚來拔隊歸家去

輪與符官侍晏朝

頂馬出獵圖香童俱飾小兒爲之會罷神覲於嶽惟符官侍符官卽賈表

者

踏遍茶坊與酒坊同游小隊暫分行簾波微蕩爐烟裊

夢湘樓詩彙卷上

六

斜日滿街馬糞香

慰蘭詞

湘雲一朵花叢起獨秀亭亭壓桃李惜此離塵絕俗姿因

何移出空山裏出山豈比在山時懷絕芳心祇自知縱許

美名齊玉樹已輸故土衍繁枝主人愛汝原珍重朝觀夕

玩瓷盆供錦幔重重護太深綺窗密密圍無縫眾意咸驚

寵過殊予情反道轉牽拘不資甘雨和風力活潑春華那

得蘇春華閉置成摧抑洞房曲室同圍棘瘦葉疎枝半不

禁柔苗弱幹渾無力待得花時數朵開女郎幾輩上花臺

供他雲髻瓏鬆綴惜爾金刀剪伐來金刀剪伐何鋒利可

憐鬱鬱傷花意。華屋原非安樂窩。歡場都是愁煩地。幸得
移根近太陽。春來依舊吐芬芳。品高不愧稱香祖。韻澹還
應供素王。蘭乎蘭乎宜自愛。爲屬奚奴勤灌溉。到後根基
諒日深。眼前佗際須寧耐。我本空閨長恨人。比花遭際更
傷神。平生一掬酸辛淚。哭向窮途怨莫伸。自古流光如轉
轆。鏡裏紅顏謝膏沐。畢竟輪君挺秀姿。年年歲歲長芳馥。
感事傷時數歎嗟。惹他女伴笑儂家。道儂自有愁如海。反
把間詞去慰花。

中秋對月

丹桂飄香出廣寒。中秋明月又團圓。嫦娥心地原無感。碧

夢湘樓詩彙卷上

九

海青天任眾看。

秋闈報罷爲韻生弟感賦

又是西風徹。棘辰嫦娥含笑啟冰輪。手中丹桂黃金色。不
付青瑣落窈人。

詠齋頭五色盆菊

一重紅紫一重黃。更作堆瓊暈墨妝。花到九秋尤爛漫。人
誇五色盛文章。層層盜雪寒香疊。曲曲屏山古豔藏。比似
當年彭澤令。愈懷沖澹愈芬芳。

詠白菊

清標素豔更誰儔。可以東籬舊日秋。已負高情空世俗。轉

從本色見風流。半庭霜月朦朧照。滿室寒香黯淡留。我亦吟懷冰樣冷。未妨覓句試相酬。

題龐鐵生表甥

鍾瑚

添香館詩集

四代堂芸館詩

爭誇桃李豔芳時。瓊樹誰知更有枝。序誼敢言儂在長論。才直許子爲師。傳來好句焚香讀。和到佳章擱筆思。不是此心太傾倒。除君無可與談詩。

團香鏤雪太聰明。一種詩懷別樣清。虞嶺竹枝傳雅調。

集

游虞山竹枝詞

秦淮風月寄閒情。細裁花骨篇篇麗。漫琢瓊章字

字精。試問伊誰堪伯仲。杜樊川與玉溪生。

追思昔在絳帷前。遇子方當舞勺年。每羨謝庭生玉樹。常

夢湘樓詩彙卷上

三

期思御座撒金蓮。李侯仙骨輕能舉。董仲文心幼便專。愧我忝隨葭誼末。也曾硯席數周旋。

王樂主

半生結習悔耽詩。致惹牢騷百種思。愛月怕雲籠月色。惜花愁雨損花枝。無言向俗同枯木。有淚沾巾比散絲。最是難消知己感。祝君早到鳳凰池。

卜重寄懷女弟子若霞二十二韻

麻匪掛章韻筆思不

憶汝垂髫候。常依絳帳旁。書曾傳孔孟。帖愛仿鍾王。淑慎尤無匹。聰明更善藏。問年猶待字。論學已升堂。芸館傳經罷。蘭閨習繡忙。鍼盤金縷細。絨學彩絲長。濡墨描新樣。翻詩錄舊章。春風仍侍坐。夜雨每聯牀。有悶還同訴。無言不

其商誼雖師與弟情比女隨孃駒影堂堂去花枝宛宛芳
九齡隨硯席千度易星霜忽見通冰語旋聞啟洞房鸞儔
欣得耦雁序悵分行之子清華胄伊人錦繡腸豔詞歌卻
扇麗句詠催妝筆彩驚鸚鵡簫聲叶鳳凰雍雍和娣姒肅
肅敬姑嫜入夢應思我寬懷賴有郎花前邀寫韻月底勸
飛觴莫謂三秋隔原堪一葦杭惟予苦岑寂翹首日相望
出詞客毋切切歌掛金盞覆水木曰流王盞盞冠冕莫外

夢湘樓詩彙卷上

三

琉璃世界無塵埃水晶宮闕多樓臺樓臺倒影入波底波
底荷花竝頭起一枝兩枝嬌可憐千朵萬朵開聯翩深紅
淺白滿江沚返照烘霞炫成紫紅嬌怎及紫有情風裳水
珮尤盈盈向人綽約如欲語我見分明亦憐汝無端有客
來湘皋醉中意興殊麤豪看花直到花深處蔦被拘將一
枝去沙邊鷓鴣水際鴛鴦欲睡不睡潛相看東風消息忽吹
出斷翠零紅留不得金盆覆水水已流玉壺盛淚淚莫收
淚乾水盡兩情絕客兮客兮毋切切使君有婦羅有夫再
來不是前時數

感示兩兒

半生辛苦兼師朝課經書夜課詩但得汝曹能努力終

須有箇展眉時

其間月鋤姪近患齒恙詩以訊之

堂堂去於女

未知近恙果何如。試草魚箋問起居。見說詩狂渾不減。祇愁新與酒杯疎。

愁新與酒杯疎。

癸丑二月金陵失守。粵匪煽氛。訛傳將犯蘇常時。

結余適館始平表姊氏。課諸甥女。故卽偕始平諸眷。

飄零哭暨兩兒僑寓西鄉塘橋。願甥別墅倉皇遷播骨肉。

無端飛檄蹴紅塵。到處訛言總若真。局外觀來原了了。誤

人偏是局中人。

匆匆遷播費驚猜。骨肉星離意轉哀。昨夜燈前書一紙。更

無人寄阿連來。

夢湘樓詩彙卷上

層城回首渺雲端。憶著鄉關淚怎乾。猶幸鳳雛有高義。數

傳音問報平安。

鐵生表甥時有書慰問

粵粵母子泣途窮。世味嘗來患難中。歸去松楸儻無恙。祇

應慟哭向幽宮。

詩課題爲兒輩擬作

擬王右丞西施詠

佳麗代不乏。西施傳至今。貧猶蓬戶質。貴占椒房衾。妾貌

日以冶。君恩日以深。一顰輕萬乘。一笑重千金。寵極反生

慮。嬌多常捧心。豈無後宮眾。桃李徒成陰。舊伴若相遇。應

嗟仍織紵

黃庭堅秋暑

入秋應減暑不道暑依然已過中元候還同三伏天不勝
釵朶重容易鬢花薦僂倖惟團扇仍蒙掌上憐

午晴

一番微雨過又作午窗晴芳草猶未歇秋陽如有情圓撐
桐樹影脆遊竹枝聲小立閒階下新詩取次成

爭傳巧製出眉公匠手文心迥不同位置端宜山館好安
排恰補水窗空未妨小坐同佳士且勿酣眠學醉翁熱客

夢湘樓詩彙卷上

三

若來休竊笑依然八座在堂中

韓王瓶

苔封土蝕質猶完遺恨黃龍總一般半壁江山全失趙千
秋姓氏尚尊韓中乾已罄英雄淚眾飲曾騰士卒歡不解
投膠惟守口鄙他文士太寒酸

漢宮瓦硯歌

千年古殿生蒿萊瓦礫變化成良材文房珍翫何足道盛
衰貴賤亦幻哉誰人作硯供書契云是帝鴻古遺制琢玉
奇珍祇飾觀澄泥別樣誇新製辟離風字古樣鑄合歡秋
葉新題籤小者文場便懷袖大者椽筆揮雲烟硯材百種

此尤寡陶質蒼然古而雅問年神雀五鳳初託地長生未央下當年立仗覆千官此日抔泥出寒野良工琢付識者藏摩挲日久騰輝光儲以水晶琉璃之寶匣配以珊瑚翡翠之筆牀更聞此硯能發墨濡染淋漓殊自得凹處猶餘土蝕痕中央已沒苔花色君不見玉龍金鳳銅雀臺於今無地無塵埃又不見離宮別館三十六望裏莘莘走麋鹿羨爾猶存厯劫身芸窗珍重伴詞人他時攜上通明殿書徧吟毫五色新幽齋菊吟華曾出燕北賦數問三晉讀詩

贈詠菊分題爲經鋤姪廷軫作

老圃秋容晚愈芳吟壇相對日飛觴不分花影還人影疑

△夢湘樓詩彙卷上

五

是詩狂接酒狂此會流連須匝月及時風景況重陽從茲領略陶然趣歲歲東籬約莫忘醉菊

蕭齋况味足清幽爲訪秋華暫出游此地遲開三徑豔誰家先占一籬秋寒香觸處關心覓蠟屐行來著意求檢得繁英歸去好冷吟閒醉話風流訪菊

淡到無言入夢宜一痕縹緲向東籬微霜作意先傳信薄醉關心肯誤期圃映斜陽來恍惚徑遮寒月去迷離秋魂不是春宵蝶爲報西風莫見疑夢菊

越到深秋越盛開孤芳冷豔各呈材黃裳已占中央品本色還標絕俗才望裏疎疎饒古意眼前落落見風裁分明

此是真高士。合付詩人月旦來。評菊

南山當戶憶陶詩。采采東籬見數枝。傲骨正宜金翦翦。高

情原異藕絲絲。離披刪卻經霜朵。疎密修成入畫葵。歸供

膽瓶增逸興。寒香滿室酒盈卮。翦菊

見說黃花秀可餐。調來不用雜甘酸。香清祇合鹽梅比。味

潔休同肉食看。朝佐桂漿浮玉盞。夕和蘭露薦晶盤。從知

此品騷人占。那許麤材到舌端。餐菊

夢湘樓詩藁卷上

此品騷人占。那許麤材到舌端。

潔休同肉食看。朝佐桂漿浮玉盞。夕和蘭露薦晶盤。從知

此品騷人占。那許麤材到舌端。

見說黃花秀可餐。調來不用雜甘酸。香清祇合鹽梅比。味

潔休同肉食看。朝佐桂漿浮玉盞。夕和蘭露薦晶盤。從知

此品騷人占。那許麤材到舌端。

夢湘樓詩藁卷上終

夢湘樓詩彙卷下

常熟宗 婉婉生著

新妝詞

姑蘇久著繁華地。海隅亦復爭奇麗。處處同翻巧樣妝。家家各縮新興髻。髻號新興最入時。平拖低髻弄風姿。爲嫌燕尾垂肩重。一寸排雲翦翠絲。臉霞淺暈眉長埽。柳腰蓮步臨風裊。屢試雙弓樣轉纖。花簪一朵看尤好。碧玉搔頭白玉鈿。明璫翠羽助鮮妍。環肥燕瘦休相妬。梨白桃紅總可憐。華妝一種尤驚俗。錯采鏤金耀人目。百朵雲鑲如意衫。五色裙裁合歡幅。若梳爐香共酒甌。妝成鎮日坐紅樓。

夢湘樓詩彙卷下

一

織縑織素君休問。錦樣年華乍起頭。一人占得金閨福。雛婢妖鬟競裝束。綃衣短愛著蝦青。鬢髮齊剛壓蛾綠。金屋爭誇豔眾芳。蓬門亦其鬪新妝。釵頭縱少珍珠綴。簾底時聞脂粉香。吁嗟乎世風日復趨華靡。拈紅貼翠無時已。不見蓬門蠶織人。亂頭匝月何曾理。

輓某女史

傾城顏色出塵才。不信今皆付劫灰。詩課尙思分韻去。水嬉猶記蕩舟來。香名太盛原非福。豔迹全消信可哀。我有情癡兩行淚。定知流得到泉臺。

女兒識字便非祥。況復清詞太激揚。入世自難容傲骨。生

天猶恐礙情腸。月經蝕後還存魄。花到飄殘尙覺香。多少風懷忘不得。惟餘默默弔斜陽。

病暑詩四絕寄示月鋤姪
日長人靜午風輕。愁聽新蟬嘒嘒鳴。莫更將身近棋局。病軀無力鬪心兵。
夕陽流影入樓臺。一帶冰紗向晚開。咫尺竹林原在望。怪他不送好風來。

朝來涼意已蕭森。入暮炎蒸更莫禁。省識天時同世事。病懷那得不沈吟。

新愁舊憾兩交加。幾日何曾理鬢鴉。庭院深沈人不到。西風開盡白荷花。

秋夜病懷

不雨常疑雨。無風亦似風。蕭騷來耳畔。悽咽入心中。落月涵窗白。殘燈耿壁紅。此時身世感。一一不朦朧。

病後述懷寄示女弟子韻文兼謝瑤華之贈

愁裏光陰病裏身。鏡臺寂寂掩芳塵。阿孃熨體耶添服。昨夢分明記得真。

徹骨清寒已莫支。那堪徹底更尋思。十年心力今交瘁。地下良人知未知。

故園回首似無家。愁倚西風夕照斜。看到滿庭秋色豔。方

知人瘦不宜花

打窗風雨夜瀟瀟。窗外還添幾樹蕉。我已吟懷灰似燼。更無魂向此中銷。

既無魂更解銷來。底事閒愁鬱不開。筆底牢騷襟上淚。不憐遭際也憐才。

時方和小青諸絕句故云

說到憐才話又休。釵叢幾輩識才優。芳蘭已向當門種。那許清流勝濁流。

珊珊蓮步軟臨風。冒暑而來爲病中。省識應門無穉子。不勞雞黍薦盤豐。

時兩兒俱已赴學適蒙蓮步親臨問疾故云

一讀新詩一感傷。纏綿悱惻好詞章。分明絕代才人筆。委

夢湘樓詩彙卷下

三

屈將伊作女郎

扁舟

扁舟又作出山行。去住真同一葉輕。城上斜陽城下水。照人鴻迹太分明。

那有滋培桃李才。絳帷慙愧又重開。西風珍重休吹我。昨日方纔斷藥來。

未經柳葉展眉彎。又見桃花點唾斑。時肝疾愈後又患吐紅不是病魔偏戀我。眼前瑣細總相關。

阿連一水隔迢迢。阿妹重城悵亦遙。不信阿咸居咫尺。如何音問也寥寥。指月

花入病眸增感慨，月臨愁境轉蕭森。何如一片閒雲好，相對悠悠證素心。
素心恰與道心符，從此休敲玉唾壺。悟得南華經內旨，靈臺常寶寸珊瑚。

自書夢湘樓集後

平生志願歎全賒，檢點殘編感歲華。雪裏幽蘭霜後菊，自憐遭際畧如花。
病壓愁侵賸此身，浮生如夢復如塵。酒邊歌哭花前笑，第一聰明最損人。

一卷離騷是我師，休言宋玉有微詞。美人香草西風裏，寫到悽然欲絕時。

夢湘樓詩彙卷下

四

題月鋤姪緇衣小影

無論衣紫與衣緇，似此襟懷傲可知。悟到玄微成一笑，方知臣叔不曾癡。

綺麗年華水樣同，輕衫軟帶畫圖中。怪他一種翩翩態，那有分毫釋子風。

是仙是佛是文星，紙上圓光見性靈。我亦疎狂同小阮，願隨飛錫渡滄溟。
遊戲文章豈是真，閒雲弄影向紅塵。祇愁不久爲霖去，那許袈裟果着身。

甲寅歲杪假館再贈龐氏諸甥女
憶共羣仙住玉臺春風幾度絳帷開
早知今日難爲別卻悔當初苦愛才
鳳泊鸞飄成獨感桃穠李豔記親栽
眼前十五嬋娟子謂幼女曾見銀盆試浴來

花底軒窗水畔楹舊傳經處最關情
行蹤已作辭巢燕心事休提出谷鶯
未必雲山通別夢也曾風雨聽吟聲
歷來離合悲歡地偏是愁人記得清
清詞京華入景賦禪巖夢送陸鐵雲妹倩清泰謁選入都卽奉題其霜鞍續夢

非同畫圖

雞聲催夢上征鞍驢背霜華尙未乾
似與馬蹏爭駿發一

夢湘樓詩臺卷下

五

鞭得意向長安非同張果跨驢情
不學韓王湖上行別有壯懷消未得要
將才器答昇平曉月光中欸段行
行來得得動吟情京華不是邯鄲道
夢穩風雲總不驚纔到蘆溝睡思消
五雲深處望非遙傳聲爲語同懷妹
準備香衾促早朝

題殷韻漪女史

恩韻

遺影

風林瑟李讓晴賺妹則前

碧天杳杳罡風起吹墮瓊花一宵裏
那怪高堂淚眼枯披圖我亦悲難已
憶昔萍蹤戚里停也曾一面接芳型
舍妹家與

女史比鄰彩雲展影空羣豔明月當頭壓眾星頑兒忝侍

故曾一陪尊甫小齋先生知得聰明更無匹書課時分棣室

經蓮蹤常立椿庭雪生就幽嫺玉性情春花秋月肯閒行

神仙耦早諧華閱夫婿才尤冠眾英許字翁雨冰清玉潤

誠堪羨門楣果副乘龍選錦瑟安排待和將雲箋準備同

題徧已卜星期又屢遷病軀可奈日沈絛支持瘦骨防耶

慮宛轉柔腸益母憐檀郎雖到蓬山頂可憐虛覩仙娥影

女史疾亟時世烏鵲空將一水填紅鸞未許雙星並枉說

曾經見面來椿萱那不更增哀空留一幅傷心影畫裏眉

痕埽不開夢湘樓詩彙卷下

夢湘樓詩彙卷下

雨阻散花室與淨蓮女真夜敘始平舊事感而賦此

閱徧亭亭桃李花春風回首失芳華豈知一片閒雲影今

夕來棲玉女家風韻空

打窗愁聽雨飄蕭禪室相依破寂寥話盡滄桑多少感一

燈紅瘦夜迢迢入風韻

嬌兒甥輩以官字韻七律唱和至數十疊戲擬一首示

職醉歌之諧華閱夫散夫試

各把心兵戰筆端要從安外更求安醉中得句辭多放愁

畔成吟語易酸雪罨老梅連影凍風驅落葉走聲乾等閒

三韻拈隨手遲我徧難一字官只當更想風呈

雙飛別院苔舊傳經處怕重來還欣各有珠擎掌他日仍

匆匆握別太無端分手爭如聚首安囑我病軀加子細感

君情誼減辛酸和詩然燭從頭錄別酒臨風到口乾最是

繫懷惟後起一矜難博況郎官大兒四試玉峯俛得復失今歲又因額隘錄取倍生

始平女甥雁序凡六其伯姊早歸歸梧岡司馬來儀

世同慈餘自道光庚子歲始先後從余受讀葭莩誼切硯

淋其善席情殷往還幾及廿載而天桃穠李漸次分株壬

香尉卒寅歲麗如歸周君企愚已酉歲閏彥歸陸君心涵

亭亭立庚戌歲若霞歸李君仲芬辛亥歲書君歸顧君受

同人茲至戊午歲幼文亦歸歸君寶存焉撫今追昔不

能無詩爰賦是篇以誌

夢湘樓詩藁卷下

亭亭三五瑤臺姝花南硯北相容與春風披拂經廿載眼

看桃李皆分株一株早適清華族佳耦愛蓮誇茂叔鴻案

相莊善進規鹿車共挽能諧俗一株秀出金閨羣伊人家

世同機雲膝下鳳雛饒夙慧門前虹影橫斜曛閩彥所居以橋名故

用虹影字一株穠豔尤無比夫婿剛逢謫仙李其奈騎鯨去不

回幸有佳兒能繼起一株生就蘭蕙心對之使我開塵襟

顧郎偶儻復好俠等閒一諾輕千金一株嬌掩湘妃篔簹眉

柳新描京兆葉桐樹棲將小鳳凰榴裙繡出雙胡蝶胡蝶

雙飛別院苔舊傳經處怕重來還欣各有珠擎掌他日仍

期絳帳開

咸豐庚申感事詩四律

株守亦非易，土崩真可哀。千金空散去，一木苦支來。闔外

師先潰，城中夢乍回。八月一日西師潰於恬莊，主帥胥生通明日賊入城，萬家皆在夢中焉。

憐勝游地，碧血染蒿萊。

六騎從西至，有悍賊六騎首犯西門而入。孤城莫瓦全。伏戎真在莽，聚

甲杜輸錢。浩劫同千古，餘生已八年。將星難再起，慟哭向

重泉。金陵陷於癸丑，賴向帥扼賊之鋒，蘇常得延入載。

弟姪竝遭擄，兒甥皆被羈。怒深髮上指，憤極體忘疲。肯效

閨人泣，甘同烈士爲。幸逢狂小阮，相與話流離。倉猝城陷，余弟韻生

夢湘樓詩彙卷下

八

姪藥鋤，蔚文陸甥小庵兒子，贊竝遭賊擄，聞變之下，憤填胃臆，誓將俟賊至痛數其罪而自戕矣。適書鋤姪處有舟泊城強

余以遁

一身嗟老至，四顧意茫然。把酒還澆地，臨風欲問天。饑寒

餘傲骨，烽火逼殘年。往事休回首，雙親掌上憐。

六 余雖處鄉僻，而寇氛未靖，日滋驚擾，書此誌感。

又是西風寥落天，故園北望思綿綿。余家在城北無多秋色悲

殘照，不盡餘波感逝川。幾處流離傷骨肉，萬家消息阻烽

烟。江南景物休重問，腸斷蘭成賦一篇。

喜葵兒歸

人生何最苦，最苦是生離。況兒早孤露，被擄尤堪悲。兒歸

禍忽罹母心如火炊痛汝執愚孝

兒本在鄉以聞警還城視子致遭賊擄故云

惜汝專文詞憐汝體孱弱諒汝艱驅馳此行如赴冥豈作
生還思兒去已百日淚盡神如癡斷腸復斷腸其苦蒼天
知忽於仲冬月十七薄暮時其地清水圩其主桃李枝一
舟翩然歸載我親生兒村童先走報鄰婦爭來窺乍逢渾
不識面目非凝脂血污尙在衣創痕徧體肢間關涉千里
步履跋莫支上堂不成拜涕泗流漣而令我一寸心攪作
千尋絲兒乎且勿悲爲爾鋪茅茨幸兒歸有孃莫歎家無
資母子在難中全賴相扶持保此厯劫身好作承平詩

韻弟被擄已及半載忽於歲杪從西鄉石靖里陸君

夢湘樓詩彙卷下

九

昆玉處假館來寓喜而賦此

骨肉各西東罇壘恐莫同豈知今夕酒仍話去年衷志肯
艱難挫詩因閱歷雄連枝喜重敘翦盡燭花紅

吾弟平生學皆從性分來相依欣有善所向定無災地主
機雲喬門生桃李材江鄉棲隱好其樂洵悠哉

長願旅感八首卽步麗鐵生表甥見寄原韻兼寄書君女

秋風秋雨罨秋烟冷落秋衣未著綿欲倩吟毫傳旅憾江
南紙貴久無箋

羅襟時染淚斑斑魂夢惟思故里還不識大江南北路一

宵能度幾重關

愁中歲月去堂堂

吾虞自去歲八月初二失守後迄今又一載矣

禾黍秋風感彼

蒼莫上高樓更南望烽烟滿眼是家鄉

煢煢母子且偷安提起中腸別樣酸不是無人憐范叔客

途多半歎清寒

人到途窮作達難眼前愁障疊峰巒欲憑酒力開除去又

恐攻心似激湍

往事滄桑忍細論絳帷慙愧說師尊故園桃李惟君在風

雪何人更立門

始平羣秀髻歲皆從予受讀遭亂後悉如星散渡江而北者惟書君一人時通音問

斷簡殘編付草萊飄零身世劫餘灰鳳雛畢竟饒高義遠

夢湘樓詩彙卷下

十

寄新詩慰藉來

庭空落葉響飄蕭深鎖重門氣沈寥今夜夜窗燈似豆旅

魂三處定全消

辛酉四月余緣寇氛不靖挈兩兒渡江北赴興邑寄

居平原妹氏寓舍兵燹之餘骨肉再覲悲喜併集

卽用舊作官字韻賦詩一律

漫望旌旗樹曲端渡江且覓一枝安時艱肯怨人情薄道

遠惟愁足力酸風馳客心搖欲墜雨淋塵鬢濕難乾

車行道上

同懷有幸重相見喜勝寒儒乍得官

再疊官字韻書示葵兒

哲人從古避三端。況復身從逆旅安。養拙尙愁流俗忌。論
才敢鄙士風酸。伍員簫忍途中咽。趙壹囊甘客裏乾。處世
何堪輕肆志。願兒且勿學伶官。

客窗遣興再疊官字韻二首

漫提烽火引愁端。出處隨時且少安。竹瘦折腰仍抱節。橙
香適口不嫌酸。吟懷好鬪三秋健。蠟淚偏當五夜乾。一笑
琳瑯盈眼底。儘呼屈宋作衙官。時葵兒以同輩所
和諸詩就正於余
微霜已上鬢雲端。忍使身心尙欠安。自傍短籬觀菊放。誰
吹長笛學笳酸。詩狂未許悲相雜。思涌還愁酒易乾。難得
一家依樂土。鳴蛙且莫問私官。

夢湘樓詩藁卷下

七

題同邑張芙川參軍

蓉鏡

家藏北齊蘭陵王碑搨本

西風淒緊百草黃。木葉窸窣行虛廊。此時我正客窗坐。旅
懷并入秋茫茫。陸甥忽持一冊至。云是古搨蘭陵王六揮
事業何足數。惟王英銳才足當。穹碑千載譽溢口。墨香古
韻流芬芳。觀之直可舒鬱勃。筆力雄勁神清蒼。幾經名家
法眼別。一一歎識鈐圖章。龔受諸何何受趙。今來又付清
河藏。芙川先生老名士。雙眸如月懸清光。硯癖書癖詩畫
癖。羅胸夜夜生光芒。瓌寶遇公不敢匿。并供吟篋環身傍。
客秋欖槍忽南指。吾虞全邑嗟淪亡。曹倉鄴架盡銷燬。獨
公此寶完無傷。天公下遣六丁護。片帆飛渡隨輕航。今向

昭陽獲覩此自誇眼福饒閨房日玩不足繼之燭朝來愁
鬢消秋霜

人壬戌四月同粲生妹北上留別書君女甥

烽火殊未息如何又遠行總因身世累難免別離輕此日
萍蹤聚明宵旅夢驚還愁分手處悽咽若爲情

此行豈予意宛轉勉隨兒葵兒將順途應京兆試鴻雁懷中澤鷓鴣

戀故枝幾多窮達感不盡溯洄思桑梓君如返傳言故舊

知

津門途次卽景偶占

水聲入耳聽淙淙帆飽南薰穩渡江急雨初過人意爽滿

夢湘樓詩彙卷下

三

蓬涼翠滴船窗

微風拂面自生涼濃綠陰中漏夕陽一路看來青不斷江

南無此好垂楊

抵保陽後賦呈鐵雲妹倩倩宜仲妹

纔離海舶又車輪且幸平安渡此津旭日麗天風解慍不

愁十丈輒紅塵

故園回首滿蒿萊切後餘生百念灰感得一帆風力順直

將人送日邊來

擬古二章寄葵兒藁城幕次

鳳凰失其巢飄泊同山雞東西與南北各向天涯飛天涯

多哀鴻。共此梧桐棲。毛羽既有差。物性安能齊。何當斂文翰。飲啄隨時宜。佛法平等看。一笑皆怡怡。其父襄。美人愛明鏡。壯士愛寶刀。寶刀一脫手。四壁風蕭蕭。寒光潑水來。座客慘不驕。恩怨戰五中。相顧心搖搖。恩固不可辜。怨亦不可招。扁舟去滄海。何處無波濤。

題馬漢儒百朋勸孝集

至孝不易得。孰躋賢聖風。承顏與養志。乃在傭保中。崇明有老人。貧賤成衰翁。雖生四男子。其奈餅壘空。無力哺眾雛。散作分飛鴻。一室惟老妻。室真懸磬同。幸生落拓性。行止隨飄蓬。曾不設機械。口不言窮通。否極泰忽來。夕照桑

夢湘樓詩彙卷下

榆紅。長男已贖身。仲叔皆歸宗。最小第四郎。亦復囊橐豐。竝歸取賢婦。列肆開西東。輪流奉旨甘。絡驛呈肥膿。兄弟咸怡怡。娣姒皆雍雍。扇枕更溫衾。無間夏與冬。致此而老人。其樂踰王公。嗟我亦有兒。失怙方童蒙。晝菽與篝燈。費我廿載功。兒漸解讀書。母已傷龍鍾。前賢暨往哲。幸畧羅心曾。非冀博科第。聊以策孝忠。馬君古君子。趣向殊凡庸。手此勸孝編。徧啟赤子衷。其功靡有涯。其德尤無窮。堂前各有親。及早謀尸饗。

海甯陳瑞伯孝廉

鴻保

介葵兒乞題其父襄夔明府

錫麒

悼梁姬詩後

東風吹陌百草香。天桃穠李嬌春陽。西風拂水藕花死。荷
葉莫蓋雙鴛鴦。梁家有女古紅玉。生就明珠爲俊目。雜佩
羞從俗子貽。小星甘叶文人卜。佳耦由來不易成。竟容名
士得傾城。年爭皓月團圓夕。貌在昭陽第幾名。梧桐枝上
桐花鳳。添香秉燭朝朝共。新茗頻勞自點將。繁花不惜親
澆種。得抱衾裯已數年。閒情逸致總如仙。溫柔儘占東君
寵。婉轉尤蒙大婦憐。正欣海燕雙栖妥。欖槍忽兆北江南。禍
才見全家僻壤移。又聞幾處名城墮。當道何人敢閉關。赭
山纔陷又蕭山。掀天風浪驚頻試。匝地干戈莫往還。德門
畢竟邀天佑。一家骨肉仍團守。祇惜支離劫後身。愁蛾淚

夢湘樓詩彙卷下

古

靨渾非舊。猶幸雲程路不賒。郎君得意步京華。泥金已報
南來信。錦字還迎北上車。萬千辛苦都嘗徧。者回爭不圖
相見。翡翠思營新定巢。琴尊待啟重圓讖。晨鵲宵燈旦暮
占。征途其奈暑炎炎。早知噩病三天亟。那許勞薪十日淹。
可憐盼到長安道。未逢一面香魂渺。祇共艱難不共歡。朝
雲畢竟辭坡老。卽此言懷痛可知。如何不賦斷腸詩。犀簾
泣損悲難已。錦瑟吟成怨莫支。此情縷縷那能述。此恨綿
綿言不得。嬌女重遺細弱憂。寒鐙常照悽涼色。越寫真情
越見才。令人一讀一悲哀。滄桑幾度烽煙裏。我亦曾經歷
劫來。

客窗感賦寄懷麗甥雲槎孝廉劍吟洪霞味白雲
故園消息渺江南誰向天涯寄一函未識松楸無恙否客
窗愁見樹旒旒交賺貝則則學語相更喜甫歐猶母就
效齊效楚逞靈心妙語鈴圓一串金我是南蠻真缺舌難
將土字換官音申雖益起課谷奇延兩昨喜對愛掌
萬苦千辛歷劫身負他五十四年春眼前賴有同懷在且
放牢騷作達人

孺子依然是故吾此指葵兒北老人霜雪滿頭顱憑將客
裏經年況寫入閒吟寄鳳雛聞報罷而言

次見懷韻寄韻文女弟子秋賦賦詩次秋賦聞風

夢湘樓詩彙卷下

研席論交已廿年忽驚雲散感烽煙如何一片鄉關月照
到天涯便可憐聞命春風
誰言桃靨笑春風三月梢頭未放紅祇有尋巢雙燕子呢
喃猶與故鄉同

哭陸楚娟女甥寶琛十八首春期前同對春且

記得甥生歲在申銀盆珠顆浴奇珍阿耶歡喜孃憐愛掌
上圓擎十七春心機同女串金舞長南盤真熾雲藥

而慈與我本連支親見呀呀學語時更喜甫經離母抱聰
明已解讀唐詩南苗向天識春一面朱繡盤熾無意否

何須醜面肩桃花生就奇姿豔可誇除卻彤霞和白雪世

間無此好光華

五黑髮 此宵十五夜 此城六月 拜百餘心

生逢離亂最憐渠。未到盈盈十五初。一自元方陷鋒鏑。背

親常有淚沾裾。

伯兒不安 城陷未出

黃十計。火銀昏一絲。蘭屏玉障

重城淪陷恨難降。寇逼鄉隅又渡江。奉母默隨兄弟後。終

宵露坐在輕艫。

臺井 蘇絲 宵 燭 來 賺 敵 空 良 誠 通 可

明年春杪我離虞。與爾萍蓬聚一隅。乍見苗條驚愈秀。香

腮畧褪兩芙蓉。

平 風 飽 賦 賦 望 則 榮 何 嘗 說 甜 眼 又 誠 憂

經年蘭若其相依。旅況艱難故舊稀。羨爾有親留宦轍。一

帆同向日邊飛。

潮 潮 吟 慈 賺 未 歡 欣 浮 料 曾 數 數 歡 笑 當

方欣朝夕繞親傍。不道名花日減芳。總爲頻年困兵火。積

勞病漸入膏肓。

不 歡 容 日 越 衰 際 貧 賦 平 國 吳 火 蘇

顛餐玉粒已多時。瞞卻慈親未遣知。彩伴暫逢還強笑。當

窗猶見繡花枝。

公 宜 武 題 讓 姑 香 絲 美 爾 育 謙 西 官 辦 一

尊人戎馬去經年。屢盼歸期望眼穿。盼得歸時却又病。憂

心那禁日如煎。

爽 興 雨 華 藎 凍 一 開 子 良 苗 翁 瀟 愈 委 香

疏詞偷寫向妝臺。扶病終宵默禱來。親病漸痊兒病亟。可

憐瘦盡好身材。

劉 宗 鼓 激 開 又 數 武 奉 母 嫺 韻 景 曾 益 詩

病軀無奈日淹淹。冰到柔荑十指尖。臍得一絲蘭氣在。朝

朝明鏡尙開圓。

果 未 睡 盛 益 十 五 兩 一 自 天 式 開 益 益 詩

白蓮風外月如潮。正照瓊花墮此宵。

沒於六月 十五夜

我有傷心

言不得眼看玉碎與香消

言其時艱難艱難變遷

椿萱長慟向靈牀兄姊相扶共斷腸幼弟嬌癡尤痛絕苦

教人覓返魂香

善琴文戲意向秋辭專稱水與天風

平時最愛小狸奴朝夕相隨坐臥俱不道狸奴今亦渺任

教終夜費追呼

公勸又門荷問難譯楚會思誠

去年儂病日淹牀隨姊殷勤侍藥湯擁得錦衾還讓我朝

朝親手試溫涼

對與豐德與翁驚想恐垂青

修短原知數本天難忘玉潤與花嬌雙親為爾慕嬌影仍

當明珠在膝前

人悲慈願猶歡語默於竹簾太守

雛鬟掩面雁行啼送汝芳靈古刹栖莫更深宵怯風露西

夢湘樓詩彙卷下

七

方有樹覆菩提

謂法苑珠林其東新晉

題阮媚川恭人

珠慈暉館遺稿應沈竹齋太守之請

嘉耦不易覲自古愈云然羨彼玉堂裔侶此金閨仙金閨

太傅公人瑞聞垓埏豐功與偉績歷歷垂青編

恭人為文達公女孫

在昔蒞兩粵識拔皆才賢時余先伯父風塵困迫適偶以

古文辭青眼蒙公憐及門許問難聽鼓曾周旋

伯父牧厓公會及文

達之

知公退食餘珠玉盈階前一門萃風雅歌咏彈冰絃

毓此琴女孫

恭人善琴文達每呼為琴女孫

意向尤精專海水與天風觸

處皆成連慧質冰雪清好句珍珠聯夫婿今休文詞藻同

翩翩選樓贅璧人

文達築有選樓恭人即居其上

甥館開瓊筵雙聲鳴綠

綺。疊。韻。賡。紅。箋。未。幾。郎。念。家。一。水。中。流。便。武。陵。路。非。遙。雙
駕。蘭。舟。還。何。期。甫。抵。里。遽。報。靈。椿。薦。盡。哀。居。舅。喪。屏。樂。除
釵。鈿。事。姑。相。夫。子。禮。法。從。無。愆。忽。忽。又。歲。餘。故。土。妖。氛。纏
可。憐。揚。州。月。化。作。蕪。城。煙。每。一。念。母。兄。心。肺。常。如。煎。自。此
患。二。豎。盧。扁。醫。難。痊。骨。肉。念。最。關。病。耗。高。堂。傳。阿。母。與。阿
兄。驚。淚。流。沍。漣。道。路。得。稍。寧。亟。棹。邗。江。船。相。見。雖。足。歡。病
已。嗟。沈。綿。皓。月。不。久。圓。佳。人。難。永。年。一。朝。忽。羽。化。騎。鶴。歸
遙。天。奉。倩。洵。多。情。作。吏。來。幽。燕。廿。載。行。篋。裏。寶。此。瓊。瑤。篇
拳。拳。念。舊。心。金。石。無。其。堅。宏。猷。況。卓。著。風。骨。尤。高。騫。鵬。搏
萬。里。程。鳳。峙。三。山。巔。勳。名。看。日。上。福。德。真。無。邊。一。笑。慰。芳

夢湖樓詩彙卷下

靈。里。紫。誥。重。重。填。滿。春。日。上。蘇。齋。真。然。戲。一。笑。慰。芳
春。日。懷。始。平。氏。諸。甥。女。頹。髮。卓。著。風。骨。尤。高。騫。鵬。搏
頹。髮。霜。催。白。衰。顏。酒。借。紅。幾。多。桃。李。樹。曾。否。憶。春。風。翠。黛
秋。夜。露。坐。不。入。圓。對。人。難。永。年。一。朝。忽。羽。化。騎。鶴。歸
露。氣。白。如。此。秋。風。淒。以。清。不。知。今。夜。月。可。是。故。鄉。明。燭。灑
思。二。悼。冢。媳。陸。佩。裳。寶。環。念。是。關。誰。抹。高。堂。尊。則。母。與。阿
天。涯。夫。婿。未。言。還。記。得。金。環。約。指。間。已。已。冬。葵。兒。赴。鄂。不
道。人。隨。花。共。落。媳。亡。於。三。月。斷。腸。白。髮。哭。紅。顏。十。對。寒。山
題。武。林。費。椿。年。貳。尹。跋。林。一。路。清。廉。順。風。歸。去。圖
茫茫宦海真如海。榮悴升沈溷千載。不少安居食肉流亦

多騎士名人在。名人騎士誰最真。江夏仙吏才無倫。翩翩公子本華貴。庭前玉樹懷中珍。春花秋月青年富。如此英才肯株守。世祿之家合致身。豈屑大才還小就。丁沽筮仕氣激昂。正逢粵逆來披猖。千金不惜酬死士。一劍常佩懷龍光。幾經驚險勞王事。辛苦何人明素志。尺幅新圖藉是成。傳神妙筆長康試。圖中排列畫舫三。鳴鉦將入杭州關。分明已見故園景。浮屠矗立橋灣環。環橋勝景尤無比。夾道蓮花清水裏。一鷺飛來雪點明。游山更具諸行李。披圖想見作者心。宦囊不許纖塵侵。一路清廉好歸去。徜徉湖上騎驢吟。行吟何處無詩料。爭奈煙塵未全掃。況復

夢湘樓詩藁卷下

五

心傷鷺影分。遲遲阻卻中流耀。畢竟勳勞鑿未帝。衷晉階臨桂。酬其庸。奈何濡滯行不得。頻年兩袖惟清風。歸田漫詠陶潛賦。宦轍徘徊在中路。鷓鴣唱徹杜宇啼。手撫丹青感雲樹。惟公莫悵願暫違。雛鳳豐羽揚光輝。會看依舊風帆順。相率飛鳴得意歸。

韻海

韻海

韻海

廉慈昆余自壬戌北上。僑寓保陽。迄今一星已終。而南蠻未肯。缺舌與北音終屬隔膜。頗以爲恨。客臘吾虞言應公。千本大令。家駒自肥鄉任所挈眷旋省。今春新正。過

風未幾其夫人亦來過我夫人錢塘汪氏宮詹聽舫
幾人遂先生之孫笠樵孝廉之子名韻梅字雪芬才媛也
習以野清談甫接胸臆竝傾且蒙投贈佳什使老人懷抱
澗泉同爲之一開自此屢有過從嘗信宿其家見其手鈔
古詩秘本悉假以歸夜窗鐙火繙閱之餘率成四律用
翁泉水應干見示雲門姪孫詩韻卽事述懷工拙不計聊
朴澁難以識萍蹤契合之繇雪爪微茫之迹云爾
自嗤結習未消除垂老仍如弄筆初已醉郇厨歌旨酒更
窺鄴架壓奇書吟懷雖易因衰倦心事終難與古疏惱煞
連朝塵俗累一編把向夜窗虛

夢湘樓詩彙卷下

三

盛世何妨言行危敢云中巾幗不相師耽吟畢竟辭嫌拙喜
獵居然韻和癡四詩中押癡字韻最難工穩故云以外酸鹹諸味淚此中

甘苦寸心知十年萍寄留鴻爪尙賴陶情數首詩

休將鄉思上眉尖一任紅塵撲短簷閱遍秋雲知厚薄味

餘泉水識貪廉良辰肯觸升沈感此句得諸午日遊子偏勞窮達

占欲慰老懷無別計松齡蔗境兩須兼

僊居何幸接人寰幾度驚看珠玉頌揮灑如君真敏捷墮

唐似我敢追攀北山書好應刊白東觀名高肯讓班自媿

勞人多草草未能竟日話清閒此章統指雪芬夫人

周遵道豹隱紀談九九消寒之說詠之者多矣而厲

法武鸛鳴引陸泳吳下田家志則復於夏至後爲起九說
開書載曰一九二九扇子不離手三九二十七冰水甜如
六九計蜜四九三十六拭汗如出浴五九四十五頭戴秋
門門人葉舞六九五十四乘涼入佛寺七九六十三牀頭
盃武醪尋被單八九七十二思量蓋夾被九九八十一家
盃一對家打炭擊而他書所載亦間有不同者今夏雪芬
四武風夫人以此爲題賦詩索和爰成九章以遣三伏
一九炎歎正起頭薰風無力火雲浮掌中賴有如圭月搖
動涼生滿握秋炎天泉氣自開泉甘熱指暑時盛口
三九齊執更莫拋小鬟交扇向堂坵縱然倦入紗幪臥尙
有涼風枕畔捎炎天泉氣自開泉甘熱指暑時盛口

夢湘樓詩彙卷下

三

三九無方可避炎井泉汲處自開簾泉甘儘許嘗如蜜口
角休教似蜜甜炎天泉氣自開泉甘熱指暑時盛口

四九房櫳熱轉加拭殘香汗褪鉛華分明卅六陂塘裏新
透一枝菡萏花此戲指雪芬夫
人原唱而言

五九輕颺透綺寮井梧一葉逐風飄九雛七寶還雙鳳知
向何人釵畔撩五九一作桐
葉釵頭舞

六九招提避暑宜風襟名士夕披披何如菩薩蓮臺座熱
關清涼兩不知二武風平不捕至三武二十上

七九清宵暑漸闌燭花半暗漏聲殘夢迴珊枕思量起忘

置羅衾一幅單。春夫人臥背出巾衾以雨餘尚濕
八九金風動樹柯。銀牀冰簟得秋多。單衾已冷棉還熱。悵
意須添兩疊羅。戴合美次韻
九九輕棉已著身。家家炭鑿打烏薪。憑君莫作尋常看。大
地能回萬戶春。齊以只天垂露凝寒刺於冰照此數高
畫堂闌干四詠同。雪芬夫人陸韻文甥女。寶璣作。

一庭修竹畫愔愔。亞字闌干望裏深。倚到佳人真絕代。暗
來君子恰虛心。碧城窈窕遲纖步。青漆迴環遶茂林。最愛
春游扶策曲。翠裙微露潤銷金。竹裏冷翠裙唐人句也

小欄花韻午添穠。掩映偏宜絕世容。覆遍晴香痕疊疊。壓

夢湘樓詩彙卷下

三

低春夢影重重。吟紅偶掐迴文記。題紫應將已字封。真箇

柳綿收不住。東風爲搭玉瓏鬆。花間

最宜倚竹與扶花。尤稱玲瓏傍水涯。十里紅情攔菡萏。四

圍綠意逗蒹葭。湖邊慣接亭臺好。溪上還隨畧約斜。猶記

畫船觀競渡。夕陽凭遍美人家。水邊

涼蟾如水瀉層霄。咫尺天涯護綺寮。深院凭花原此地。高

樓倚月又今宵。秋橫簾影參差界。風引爐煙曲折飄。斯境

直疑僊窟近。素娥含笑定相招。月下

六代余周甲有六。誕日雲門姪孫繪眉壽圖。便面見遺倩

畫羅。羨宜妹雪芬夫人均有佳什。余亦以兩絕句綴尾焉。

夢湘樓詞藁

蘇軾詞美入惡其常熟宗天婉婉生著

海棠春

春曉

暖香縈夢春將曉
小院靜曲房深窈
翠幙一重重那有東
風到
半醒半睡聞嗁鳥
似報我海棠開了檢點夢如何
約略春多少

醉花陰

春暮

風捲殘紅和夢碎
夢也傷憔悴
追想夢如何夢不分明夢
醒還如醉
夕陽影裏重門閉
別有銷魂地
怎樣不銷魂
要不銷魂恨少留春計

夢湘樓詞藁

前調

暮春日謹步

家慈原韻

覆地綠雲圓
又碎花比人憔悴
小語問東君
一片紅情夕
照能留未
閒愁黯黯窗紗閉
悔識詩中味
若不為聰明
歲歲春歸省卻傷心淚

金縷曲

送春

此恨真千古
忍匆匆臨岐把酒送春歸
去幾曲闌干閒倚
遍總是沒情少緒
但望裏夕陽無語
殘夢一絲風翦斷
問誰為題破傷心句
此別也嗟何遽
畫樓無計留春住
儘銷魂紅稀綠暗
美人遲暮芳草連天
天接水更隔幾重雲
樹君莫問春歸之路
流水落花遭小劫
算人間天上無憑

據此去也歸何處

憶梅

高陽臺

寂寂閒庭悄悄小院東風消息沈沈月地雲階去年想到
如今嬋娟別後期無恙奈近來連日春陰最愁他冷盡芳
魂酸盡芳情款款孤邨何處吟魂渺記殘宵有夢流水無心
慘慘悽悽幾回覓覓尋尋笛聲吹落空山月夢回時獨自
沈吟怕來遲花怨蹉跎人怨飄零

憶前調

憶梅

聲咽瑤琴夢回遠水空教立盡斜陽渺渺予懷所思霧袂
風裳心情欲託春風訴怕春風不到瀟湘悄無言一度沈

夢湘樓詞藁

二

吟度思量掩閉窗讀遍離騷句向香邊摹擬畫裏猜詳
一往情深美人宛在中央碧雲飛去秋無迹又依稀月澹
煙涼儘銷魂幽抱誰通幽怨誰償

離亭燕

初夏病起

人恐驟零

又是三春過了紈扇羅衫試到半晌倚闌神思倦不耐侍
兒言笑樹影綠成雲紅漏幾絲斜照簾外湘波渺渺簾
底愁人悄悄自是病多無好夢也亂如芳草小院靜悄
悄忽被棋聲驚覺

望湘人

秋意

漸秋容黯澹秋氣寂寥斷煙疎雨時候落葉敲窗亂峰鎖

夢夢與葉聲同墜病感三分二分中酒一分憔悴聽雁聲
遠過瀟湘暗把秋魂驚碎閒上高樓獨倚正秋風嫋嫋
洞庭波矣歎吟到離騷悵望霧鬟雲髻夕陽林杪暮雲天
際一片蒼涼之意目渺渺不見湘君岸草汀蘭誰寄

前調染指

靦纖長指爪未褪媽痕女兒花又開遍懶理金針慵抽彩
筆愛傍芳叢頻揀小摘繁英細刪攢帶輕研霞片捲袖羅
蘸上春蔥彷彿珊瑚成串多少深閨蘭媛慣燈前月下
比評深淺認紅豆初拈幾誤鸚哥偷嚙金盆和露玉纖流
豔染了又還重染怪小婢道是啼痕一樣凝成紅點

夢湘樓詞藁

三

畫堂中天花影

移來畫裏看亭亭裊裊東風難卷簾角牆陰曾省識橫把
月明界斷如此朦朧者般黯澹幽夢誰爲伴悄然無語夜
深飛上窗畔遙憶幾曲闌干幾重臺榭幾處閒亭院非
霧非煙香氣襲望去模糊一片滿地春痕露涼風緊心事
添悽惋西樓月落花爲雲氣而散

前調花光

百花叢裏看神光離合共矜明媚暈入東風春欲笑不定
香痕如水暖處揚輝晴邊散彩天氣濃於醉看朱成碧倏
而非紫非翠聞說綺陌芳塵豔魂飛處蕩得春陰碎一

隊鈿車相照耀。人果能如花否。作意搖紅牽情漾碧。那解傷顏頰。餽簫休弄。恐將霞影驚墜。

前調 花魂

落紅堆裏。牘半絲一縷。呼之欲出。人在小窗扶病起。恍惚似聞聲息。玉已成煙香拚化土。此恨終難滅。苔荒院冷。知他多少。悽咽。堪歎從古。佳人幾多。豔魄曾與君同。劫回首。淡煙涼月夜。春夢了無痕迹。悄悄冥冥。酸楚楚。偷向牆陰泣。曉風吹散。卻從何處尋覓。

前調 花夢

一痕縹緲。怕凌空化作彩雲飛去。蝴蝶多情先入夢。暗把

夢湘樓詞彙

四

香魂留住。風擊難圓。雨淋易碎。儂願無風雨。睡鄉安否。莫教迷卻歸路。幽絕小院迴廊。月華滿地。花似人無語。露重煙深。扶不起。春在最淒迷處。舊事朦朧。芳情搖漾。香霧空濛護。夜涼如水。推窗猶恐驚汝。

前調

花氣

春愁未醒。忽春風吹送。春情如水。春淺春深。春不覺。暗襲春人衣袂。春思朦朧。春魂淡宕。春夢霏霏。墜日高春暖。曉鶯啼破春睡。堪愛闌亞。凭香簾低浮。豔畫到空濛際。一片濃芬無著處。散入碧紗窗裏。不是旃檀。並非沈速。薰遍繁華地。隔牆鄰女。可曾猜是花氣。

前調 花愁

花開花謝算年年總被東君耽誤欲說平生多少憾提起
不勝酸楚幾日芳菲幾番搖落幾度驚風雨夕陽影裏容
華如水流去知否我自春來爲花憔悴未忍和花訴花
果聰明應會得只恐更傷情緒病裏春殘酒邊夢繞夢醒
春何處綠悽紅慘有懷難向人語

點絳脣

初夏夜作

新月如鉤畫簾倒影雲拖地二分還未未有團圓意冷
浸吟魂悄向闌干倚花陰底落紅堆砌一陣東風起

憶秦娥

春雨

夢湘樓詞藁

五

東風急雨聲纔止西風接西風接吹將淚點隔窗同滴
夢中訊問春消息依稀聽得凋零極凋零極覺來無語又
成淒咽

高陽臺

題小青瘦影自臨春水照圖

一種愁容十分病態可曾真箇癡心強整新妝東風獨自
沈吟無情有憾誰人見只一池春水分明冷清清庭院深
深楊柳陰陰天荒地老尋常事算人間只有此憾難平
薄命紅顏枉教占斷才名傷心我亦工愁者向畫中訂箇
知音願從今卿自憐儂儂自憐卿

如夢令

戲題團扇

素練裁成團扇。新樣十分圓滿。試向掌中擎。明月全身都現。如面如面。只當素娥相見。

潑墨親描團扇。聊把病懷消遣。畫出牡丹枝。不耐粉勻脂染。清減清減。添了一分妍倩。

綵筆閒題團扇。小院日長門掩。不寫古人詩。須要別開生面。翻遍翻遍。幾曲小詞香豔。

手弄生綃團扇。風動藕花香遍。病後減容光。羞說芙蓉嬌面。斜掩斜掩。恐被采蓮人見。

皎潔最憐團扇。伴我小庭深院。一夕起秋風。涼意暗中吹遍。緣淺緣淺。再隔幾時相見。

夢湘樓詞藁

六

不是班姬團扇。不是芳姿便面。卻是廣寒人。親翦一層雲片。消遣消遣。小字自家題遍。

湘月

題繪秋圖

吳人景

秋之爲氣。有千變萬化。人怎描得。不道寥寥數筆。裏竟把精神傳出。冷月無聲。寒煙有影。攝起秋魂魄。此中清景。算來只我能識。樓上一帶湘簾。湘簾不捲。樓下湘波。白不盡。寒流去渺渺。倒浸銀河無色。桐樹中間。芭蕉側畔。添座湖山石。綠窗休閉。待儂一夢飛入。

已上在閨中之作

菩薩蠻

題美人圖二幀二首

美人家在湖邊住。引儂神往圖中去。影隔小窗紗。紫薇初

試花垂楊低拂處不礙尋詩路吟罷意何如魂消一卷
梧桐涼翠亭亭綠美人想在闌干曲偷向畫廊西看時不
見伊夢隨芳草轉覓到湖山畔心事怕人知迴身背立
時

前調

聞桂花香偶成

秋闈寂寂秋風入徘徊獨倚闌干立香忽逐風來桂花何
處開小鬟剛欲摘卻與雕牆隔牆外是鄰家鄰家有此
花

前調

詠臘梅

夢湘樓詞藁

七

縱橫老幹蒼如鐵因何亂點黃金屑看到素心開黃金買
不來道妝相似否更比梅花瘦一事不如梅天寒有鶴
陪

釵頭鳳

賽社

爐煙繞香風到滿街錦繡光相耀佳人在紅樓畔彩旗過
也侍兒低喚看看鄰姬道今年好香車寶馬知多少
天將晚遊人返夕陽西下畫簾閒捲散散散

高陽臺

晚清河郡蕭卿表姪媳

吹氣如蘭其人似玉豈知命比琉璃幸有前緣也曾省識
芳姿秦樓一夕簫聲斷悵香魂化作雲飛是耶非鬢影衣

香夢裏依稀。自從今冷落張郎筆。歎畫眉無計，枉費歡歡，燈暗空房。忍聽枕畔兒啼。那人生小，姪娥樣，果紅塵無分。留伊最淒。其月漸團圓，人反長離。亡於十日

滿江紅

述懷

生不逢辰，慣消受風波顛覆。還指望小窗燈火，伴他勤讀。諱病強支千日恙，食貧勉強三分俗。向悄無人處，一凭闌吞聲哭。肩如削，腰如束，容顛頓，衣單薄。已心灰似燼，淚乾無血，自信艱難安妾命也。甘辛苦，隨郎逐算，非關造化。忌聰明儂無福。

前調

述懷示書君女弟子

夢湘樓詞藁

八

屈指平生無一事，堪舒眉葉。更年來椿摧荆折，釵分鏡擘。一弟青衿，憐落寞，兩兒黃口傷孤子。向普天之下，數愁人無儂匹。自思往事，空陳迹，提舊恨，徒悲咽。已炎涼閱遍，世情冰雪，醉後惟餘三復。歎人前肯下雙行泣，但相期弱息。到他年能成立。

高陽臺

賀書君女甥新昏

花醉賓筵，春濃甥館，笙歌擁滿華堂。樺燭迎來，爭看玉樣東牀。伊人況是金閨彥，更聰明、嬌小無雙。好承當，綺麗年華，細膩風光。惟儂忽忽懷今昔，記絳帷啟處，桃李成行。曾幾何時，畫眉各倚檀郎。從今講席慙虛設，更阿誰伴我。

芸窗要相逢。須待來春梅柳舒芳。

湘月

題沈柔生女史寫竹小影

前身姑射向瓊闈。弄影別具風雅。攜得玲瓏五色筆。胎息
文家支派。雨後修篁。風前叢篠。十指淋漓寫。徘徊尺幅。墨
香宛宛縈惹。况復緝頰豐頤。十分端麗。富貴花相亞。合
受人間清豔。福壓倒閨房林下。妝不全描。容含半笑。望裏
尤瀟灑。幾時真个許儂。一接清話。

鳳皇臺上憶吹簫

題俞月卿茂才暨德配秦王兩夫
人引簫聲院合稿

才思如雲。風情似水。天生一種飄蕭。况得逢佳耦。共奏靈
璫。惆悵子登僊去。重伴取弄玉吹簫。堪誇是才俱道蘊。學

夢湘樓詞藁

九

竝班昭。寥寥撫今溯古。有幾箇人兒。得似伊曹。羨倡予
和汝。豔福能消。豈比尋常兒女。祇解把粉弄脂。調神仙侶
抽書擘箋。別具丰標。

前調

題梁生妹月榭尋詩圖

一片空明。數重卷畫。平分水榭雲寮。羨揭來詩境。如此清
超。試向圖中覓句。應較勝臺上吹簫。凭闌處檀痕細。招釵
玉頰搔。迢迢畫長莫遣。向日裏尋詩。尋到中宵。更吟風
梧葉。葉葉飄蕭。飄墮幾分秋意。和月影暈上輕綃。憑傳語
夜寒露涼。莫儘推敲。

金縷曲

題翁月如夫人玉華閣焚餘草

讀罷臨妝句。宛相逢。一奩清影。兩彎倉嫵。機杼羹湯供婦

職。還把東華錄取。

集有錄東華錄偶題一首

更靜好。瑟琴同御。吟得新

詩成卷帖。向東君未肯輕流。露人靜後方傾吐。

雲飛樹

嘯驚人語。

雲起山飛走風回樹嘯呼集中斷句也

最堪憐。零環碎珮。不能完

聚。空際曇花纔一現。月冷斷魂何處。料已趁天風歸去。留

得數行遺墨。在付多情奉倩。傷心補才與德超千古。

百字令

題王佛雲明府壽蓮家藏葉小鸞眉子硯榻本

來從海上。向蘭閨分授。綠窗羣彥。硯亦如人。詩骨秀。斲就

玲瓏圓轉。石髓劫中。墨雲堆裏。睂月彎彎現。琴邊奩畔。供

他書破。衰練。無奈塵夢難長。曇華易散。流落瓊瑤片。屈

夢湘樓詞藁

十

指升沈經幾度。又被錦囊收檢。八載摩挲。

明府得此硯已久載矣

規珍重。運腕臨摹遍。愧儂鷗管。有緣亦預評點。

滿江紅

題溧水任秀才豐殉難略後

人論骨表禮

氣吐長虹。請看取書生義烈。打疊起尋章摘句。操觚弄筆。

斷指誓同南氏。八含豪肯效秦家。七但章程十六列。條條

言詳悉。矛耀水。戈排雪。團義勇。招英傑。向萬人頭上。力

殲餘孽。創重渾忘身中礮。戰酣彌覺肝橫鐵。儘從容含笑

入重泉。標忠節。

金縷曲

題家書劔姪維城小揖山樓詩稿

生小才名大。日消磨左圖右史。等身環坐。觸撥靈機成一

片好句劈空飛墮肯拾取前人餘唾冷
阿兄慈母同商可還更與相酬和
幾多俗情軼軼休來煩瑣我亦幼年耽此癖小阮居然勝
我總不放光陰閒過方寸有苗憑醞釀看筆花豔裏心花
吐開不斷香千朵

虞美人

題冀純甫參軍縉熙夫人謝氏林風散朗小影

謝家林下高風好今古憐同調披圖莫漫著閒評卽就籤
題已見性聰明檀郎況復同京兆
掃彎彎新月逗詩情中有一痕秋氣撲人清
八回王立更

賀新郎

賀張型欽合香

夢湘樓詞藁

十一

一管吟豪妙數年來詩仙草聖眾皆傾倒今日兩行華燭
下學把春山輕掃料深淺自家知道況遇新人同玉立更
頌椒家世多才調娶陳氏珠與璧相輝耀洞房深處三星
照最宜人滿庭秋豔助他雙笑良夜迢迢蓮漏永羅帶同
心香嫋願早叶夢蘭佳兆愧我忝隨葭誼未綴蕪詞也獻
牽鷗藁歌一闕新昏好

已上家中之作

百字令

寇氛未靖雨窗悶坐燈下填此

已交冬杪恁蕭蕭颯颯似將秋作幾陣飄來斜復整亂撲
小窗燈火風緊雲淒天低月黑旅夢如何度聽殘宵柝披
衣還起愁坐見說故里兵戈他鄉鼙鼓處處烽煙阻不

定行蹤萍泛水。瑣尾吟成誰和老。逼人來。饑驅兒去。祇賸
悽惶我。仰天而歎。淚花和雨飛墮。

大江東去

海舶書懷

海波不作。水天外一望茫然無際。萬頃琉璃人倒影。濯盡
脂香粉膩。振袖臨風。飛觴酌月。大有髯蘇意。銅琶鐵板許
儂也。吐豪氣。休爲萍泊他鄉。故園荆棘。滿腹生牽繫。屈
指年華過半百。須識浮生如寄。歷盡艱難。從今應悟。離合
悲歡理。學書學劍。有兒幸亦摩厲。

金縷曲

京江陸吾山明經索題其先慈唐太宜人瑤
華仙館遺藁

火繖當空罩。忽傳來清涼妙劑。瑤華仙藁。讀罷盡將煩惱

夢湘樓詞藁

三

去。心體一齊傾倒。竟妙到莫名其妙。見說丹青尤絕藝。更
宜家宜室多才調。真不愧宜人號。萱花可惜凋中道。幸
椿庭蔭成雛鳳。飛鳴能早。生就一枝如椽筆。筆底千軍橫
掃。總不外文章忠孝。爲痛春暉。酬未得。錄遺編敬謹傳梨
棗。于載下芳徽表。

疏影

題沈竹齋太守元配阮恭人橫琴坐月圖遺照
卽用太守悼亡原韻

琴橫几玉。恁思歸操裏。譜出離鴿。變徵聲中。彈斷幺弦。長
康妙筆難續。多情祇有姮娥影。尙隔著煙林窺綠。料得他
碧海青天也。惜瘦腰人獨。猶記揚州舊夢。寶窗共寫韻
爭刻。陰燭。尺幅摹愁。此日情懷。悽入庾郎心曲。洞房已絕

瑯璈響痛尙列哀絲豪竹恐一時誤觸冷泠驚起又披橫幅

菩薩蠻

鈎月將沈窗燈未施彷彿迴文體真此以遣旅况

月鈎如傍栖禽宿宿禽栖傍如鈎月門掩又黃昏昏黃又掩門碧窗紗影疊疊影窗紗碧扶夢旅燈孤孤燈旅夢

扶

念奴嬌

為聲甫甥題戲貓壯女圖

披圖一笑試從頭認取畫中佳麗滴粉搓酥嬌品格更著堆雲雙髻宜喜宜嗔三十四正是芳年紀可憐時候耐人多少尋味底是不繡鴛鴦不調鸚鵡不把鴟弦理象

夢湘樓詞藁

三

管鸞簫都不按祇抱狸奴閒戲晴點寒金體團溫玉爪撲香懷裏翻殘碁局唐宮舊事猶記

虞美人

又題雙美月明放棹圖

一規圓月當頭照月底飛蘭櫂誰家兩美結同心凝向水中其把月痕尋煙波無際吟懷渺一舸涼雲罩不知何

處藕花林艤向綠楊影裏且消停

前調

為海昌曹紫貴上舍題美人笑拈紅豆圖

漫同北地臙脂比吟篋頻年寄千般旖旎萬般嬌真箇芙蓉如面柳如腰搓酥滴粉描香膩南國多佳麗無言已足惹魂銷那更笑拈紅豆把人撩

已上出外之作

題詞

吾家多雁序俱各擅文辭仲妹尤無匹諸兄竝遜而吟成
冰雪句秀出蕙蘭姿性已温如玉心還細若絲意珠圓入
妙胸錦織無差藏篋篇篇富開奩字字奇人原兼福慧媚
更稱門楣家世同雙陸文章冠一時班香仙館靄江管玉
臺施蠶製同功繭花栽連理枝有時還刻燭無夕不裁詩
星斗行間燦風雲筆底馳是才非偶得除子更誰宜鴛譜
修曾到鵬程上莫疑卿誠生不負我歎命何奇鏡破剛中
道釵分又數暮貧難安寢食境慣歷嘔崎絲鬢年年改青
瓊歲歲羈難消斯世苦苦把後人期何日眉方展從君卷

蘭香館塗草

二

共披短羅襪前世風苦味慈人眼昨日歡衣冠
夢殘公又堪暮食鱗交窳食熟勳同懷姊婉生題

星斗行間燦風雲筆底馳是才非偶得除子更誰宜鴛譜

修曾到鵬程上莫疑卿誠生不負我歎命何奇鏡破剛中
道釵分又數暮貧難安寢食境慣歷嘔崎絲鬢年年改青
瓊歲歲羈難消斯世苦苦把後人期何日眉方展從君卷

更稱門楣家世同雙陸文章冠一時班香仙館靄江管玉
臺施蠶製同功繭花栽連理枝有時還刻燭無夕不裁詩

星斗行間燦風雲筆底馳是才非偶得除子更誰宜鴛譜
修曾到鵬程上莫疑卿誠生不負我歎命何奇鏡破剛中
道釵分又數暮貧難安寢食境慣歷嘔崎絲鬢年年改青
瓊歲歲羈難消斯世苦苦把後人期何日眉方展從君卷

更稱門楣家世同雙陸文章冠一時班香仙館靄江管玉
臺施蠶製同功繭花栽連理枝有時還刻燭無夕不裁詩

題詞

繭香館陰草

葉茂芬芳林茂日暮花黃 常熟宗 榮倩宜著

春日正遲遲當窗理彩絲鴛鴦慵不繡祇繡女貞枝

晚雨正瀟瀟紅窗坐寂寥雲低天在宇風急水如潮

螺香潤爐嫌麝炷消卷簾頻望霽花事恐蕭條

月華如水夜涼天萬斛犀香散碧煙彩伴偶攜花下立

知誰似廣寒仙

繭香館陰草

小樓一角敞雕檐檐際嵐光逼鏡奩

成纔敢卷珠簾

秋氣乍蕭森天涯落葉深西風數行雁暮雨幾家砧

黃密埋荒徑紅疎露遠岑惟留松與柏蒼翠自成陰

春日敬讀

慈慈大人繡餘遺稿

挑燈細讀繡餘詩字字清新字字悲多恐一絨紅豆子還

從南雁寄相思

繭香綠陰草

嚴君遊粵數年集多寄遠之作 榮宜著

繭香綠陰草

繭香綠陰草

江南春已老。綠葉展芳林。幾日落花盡。連番新雨深。窗中人似夢。簾外晝偏陰。偶向迴廊倚。沾來翠滿襟。

納涼詞

碧梧桐蔭滿庭。浮一縷輕颺。到玉鉤。笑小明朝天氣熱。落霞紅映粉墻頭。

紅蕉陰裏。蝠初飛。梔子香濃。夜色微。爲撲流螢。怯苔滑。汗珠愁溼碧羅衣。幽蛩思掛人土畫。對自裝林。更賦竹裏迴廊。暑氣清。綠雲向夕暗。簾旌不愁。鸚鵡紅驚。火自點瓜燈。照夜行。

繭香館陰草

二

泉閒試碧筩杯。金風送香。露凝最爽。十尺涼心。骨沁銅壺。滴瀝夜微茫。斜斜。驪羸軀。傍竹牀。一穗素馨。涼似雪。安排明日助晨妝。青黛雲尚。前簾並。不惹。飄飄。玉露入。自星移斗轉。小庭幽。睡思催人上畫樓。自捲牀頭。湘竹簟。爲防病骨不禁秋。

涼夜聞笛

涼夜坐簾櫳。燒殘畫燭紅。誰家一枝笛。催月上梧桐。

簾波次婉生姊韻

非煙非霧影朦朧。渾訝湘波隔戶通。草色侵階濃瀉碧。花光照檻暗浮紅。秋宵冷浸梧桐月。春院輕迴楊柳風。那用

銀河怨烏鵲。夢痕安穩綠窗中。

望後月東風。素彩依然似水明。當頭空惜魄微生。前宵圓滿今宵缺。萬事從知忌太盈。

重九日風雨。滿城風雨太蕭騷。阻卻龍山客興豪。笑我閨中偏應節。小紅樓上獨登高。

雲深菊影追步。羨慈夫人韻。花光冷淡影朦朧。向背橫斜態不同。寒月一籬秋隱約。夕陽三徑畫玲瓏。移燈笑指詩屏上。插帽驚看酒盞中。醉後

蘭香館吟草

三

淵明休誤采落英。滿地色原空。

雲氣一窗黑。輕寒逼畫樓。陰迷燈影暗。點雜漏聲稠。芳草斷孤夢。落花生晚愁。披衣頻起坐。數盡五更籌。

春暮

連宵風雨聽淒淒。幾許韶光畫閣西。最是添人春恨處。海棠花謝杜鵑啼。

素深春閨雜詠三十首

桃齊放十分紅。花開好鳥語東風。幽夢驚回繡閣中。恰聽侍兒低報道。小

曲池春漲碧如雲。兩兩鴛鴦戲結羣。忽憶今朝剛上巳。綠蘋香裏自湔裙。
連番煙雨長苔痕。滿地梨花晝掩門。爲聽輕雷鳴昨夜。細尋新筍到籬根。
飛花紅撲畫闌干。翦翦東風作嫩寒。笑我偏宜禁煙節。連朝小病厭芳餐。
一爐香篆畫屏閒。小閣剛逢刺繡閒。試酌茶蘼新熟酒。悔教春色上愁顏。
游絲裊裊嫩晴天。滿院桐華逗碧煙。可笑阿儂芳膽小。牆陰間煞畫鞦韆。

藹香館吟草

五

窗紗寂寂晝迢迢。理罷琴書倦思撩。最是攪人眠不得。護花鈴索賣餚簫。
一盂麥飯祭荒郊。分付肩輿仄徑抄。怕覩紙錢煙起處。棠梨紅煞碧山拗。
蘭亭一本寫忘勞。宛轉揮殘翠管豪。欲洗端溪鴝鵒硯。紫桐花下井剛淘。
屈指韶光大半過。傷春添得病魔多。爲憐露宿池鴛冷。親課花奴種碧荷。
閒來茗話興偏賒。騎火剛收紫筍芽。酌取隔年荷露水。自吹寶鼎煮新茶。

深閨鎮日養蠶忙。催喚鴉頭采碧桑。欲乞今年絲事好。辦
香私祝馬頭娘。

鼠姑滿院綻芳英。省識嬌姿怯雨晴。親製紅羅新障子。笑
儂忙煞惜花情。
碧月團圓照戶庭。階前俠拜影娉婷。春愁欲向姮娥訴。祇
怕花陰綵伴聽。
樓臺煙雨景層層。收入詩囊笑我能。吟盡江南春一片。宵
深猶翦鴨擎燈。
蜨倦蜂癡小院幽。落紅如雨暗簾鉤。兒家生有憐香癖。掃
取殘英築一邱。

蘭香館陰草

六

鶯啼花落晝悄悄。睡起無聊倚檻吟。看到一簾香絮撲。惜
春情緒最難禁。

韶華九十老江南。繡閣春慵似醉愁。一種閒愁消不得。子

規聲裏綠陰酣。

報道東君去不淹。離愁無限上眉尖。阿誰似我情癡甚。餞

得春歸病又添。

迎梅新雨潤松杉。一縷薰風引客帆。收拾蘭閨好消息。綠

葵扇子碧蕉衫。

簾外月華明。焚香小坐清。博山爐裏篆縷縷。是儂情。

落花歎

江南三月春如煙。千樹萬樹春花妍。東風何事忽搖落。斷送春芳春可憐。我向東風問花萼。花心不怨東風惡。自憐顏色太妖嬈。從古美人都命薄。芙蓉樓上青年姬。鏡裏蛾眉絕世姿。轉瞬芳魂容易斷。埋香葬玉縈愁思。名花可恨彫零早。空累看花人懊惱。不如化作碧蘼蕪。苧絲直到秋風好。

別燕

畫梁無意更淹留。輒向西風話別愁。寄語明春休誤認。杏花深處小紅樓。

蘭香館陰章

七

戲縷瓜燈贈外

金刀雕縷賸瑤瓢。熟得蘭膏比夜光。遮莫君家慣皮相。熱心一片照人長。

外子鐵雲入泮

鵲聲檐外噪。侍女報佳音。芹沼香初采。蓬門喜自深。無花宗匠眼。不艾老親心。雲路初桃過。還宜惜寸陰。

游破山寺同鐵雲作

隔谿現琳宇。攜手恣幽尋。泉響細通澗。竹陰涼墮林。煙雲晴藹藹。鐘磬晝沈沈。偶向禪關憩。頓消塵世心。

秋夜聯句

遙夜息羣籟

情

虛堂生薄涼。梧陰籠月淡。

鐵

蛩語怨秋長。

嬾不除吟癖

情

愁惟覓醉鄉。倚闌同坐久。

鐵

清露潤衣裳。

情

殘燈

一點乍明滅。蘭缸比漏卮。勸郎要開卷。須趁未乾時。

題周楚生二嫂小影

圖作遠山
凌虛而望

悵我荆花萎八年。紅閨寡鵲劇堪憐。癡情猶作刀環夢。特

倩長康妙筆傳。

紅顏薄命恨難論。雙袖霑殘玉筯痕。縱立望夫山上望。月

明可有夜歸魂。

蘭香館詠草

八

鎮日愁蛾鎖不開。碧闌干畔悄徘徊。芳心一片堅於石。好
向清波自照來。

遺經一卷手中持。親檢丹黃付玉兒。想見幽窗燈火夜。辛

勤真箇母兼師。

謝婉生姊贈蘭

小影
卷也而第
圖作遠山

生平愛種梅。與蘭梅花易種。蘭花難相思。萬斛消不得。惟
餘清夢縈湘干。涼風驀地送香氣。美人空谷來珊珊。一枝
親向膽瓶供。對之喜動雙眉端。名花本推國香首。贈花人
更余相歡。憶從古梅林下別。遙通音問惟青鸞。芳蹤相隔
心不隔。貽我秋佩清芬攢。見花如見玉人面。無言常向妝

臺看

闌影

十二朱闌護曲房。照來清影自成行。細隨簾暈侵瑯檻。疏
逐花陰上畫牆。一帶迴廊涵落月。幾層危塔鎖斜陽。誰家
近水樓臺密。倒映回文滿碧塘。

花氣

畫闌干外百花濃。香氣迷離惹蝶蜂。一縷靜含春夜淡。十
分和釀午晴濃。暗隨風度珠簾密。薄帶煙籠錦障重。薰得
綠窗人似醉。半牀清夢不勝慵。

龐書君女史惠贈紈扇詩以謝之

蘭香館吟草

九

桐陰如水環階清。秋雲壓住簾波平。碧空飛下一輪月。虛
堂颭颭涼風生。是誰翦出齊紈潔。素影團圓傲霜雪。半施
彩筆半金針。烘出嬋娟真麗絕。扇中美人好容華。贈扇人
亦嬌如花。海棠姿態梅風格。壓倒羣芳絕代誇。感君宛轉
雲情重。未曾識面先承寵。一握綢繆寄合歡。攜來直當瑤
華奉。招涼徙倚綠窗前。望斷銀河渺渺天。寄語西風休報
冷。秋涼忍向篋中捐。

春雨初晴有感和婉生姊韻

春寒偏遇雨連宵。小院頻添氣沈寥。燕語繞梁聊我伴。蛛
絲繫檻倩誰挑。纔看日色簾前透。又怯風聲屋外驕。陌上

何人忙聽鏡。天涯有客憶吹簫。餘陰尚罨紅桃蕊。別思全歸綠柳條。枉費燈花開夜夜。徒勞簷鵲噪朝朝。愁來望斷江邊鯉。病後難拋桁上貂。積盡憂懷彈盡淚。更何心赴踏青招。

鐵雲外子客邗上軍麾書尾附寄二絕

又是江南花落時。輕煙如縠雨如絲。憑他楊柳千條綠。難縮離人兩地思。千疊吳山青對眼。一緘紅豆繫相思。多情恐有傷情處。先把平安報與知。

自題月榭尋詩圖小影

蘭香館吟草

十

月華如水浸梧陰。曲榭涼煙上茜襟。多少天涯紅豆思。閒來收入繭香吟。

鐵雲外子謁選入都詩以送別。寒雲起天末。之子獨長征。尊酒催驪唱。鞭絲指鳳城。關山珍重意。風雨別離聲。分手自茲去。相思無限情。

得家書後寄外

家書千里喜相投。三復燈前細過眸。謝得涓陽恩誼重。令人頓解別離愁。離愁雖得暫時舒。畢竟憐君作客初。不盡萬千珍重語。寸緘欲發又重書。

去時籬菊正堪看。今接來函近歲寒。莫道家庭兒女小。見書也解憶長安。

和衡卿葵孫吉香紳字諸子韻

笑看諸子競詞端。令我拈豪轉不安。暫借吟情消落莫。久嘗世味識鹹酸。扶搖終見雲鵬運。开斗難蘇轍鮒乾。欲識命宮何處坐。含情相與檢天官。

題張烈婦二首

欲賦哀詞淚已傾。沉關戚誼更怔營。捐生未遂同時願。遲

死逾堅此夕情。

夫歿婦堅欲殉爲母所阻遷延數日

一紙摧心明款曲。萬人

交口頌堅貞。從今反獲齊眉樂。梁孟常聯地下盟。

婦有句云生前

蘭香館吟草

七

未盡齊眉樂死後仍爲連理枝

兩載調羹作婦來。高堂常博笑顏開。總緣玉樹三春殞。

於三月中

致使瓊花一夕摧。銜淚肯因嬌女戀。

催有女

伴歡能絕

老親猜芳名贏得今傳徧。指日恩旌慰夜臺。

命宮春日病後寄懷

小坐妝臺怯曉風。家書草草不求工。東君若問春來況。且在愁中與病中。

寄外

一自天涯作客身。故園不是昔時春。齋頭久廢吟詩社。座上偏多索債人。薪桂米珠偏勝舊。兒衣女履要求新。幾回

癡向蒼穹問何日方能脫此貧

喜婉生姊至仍次官字韻

拋卻齋鹽瓊屑端雁行相聚暫偷安
霜豪落手輪君敏石闕銜心比我酸
燈吐有花知佩近瓶儲無粟恥壘乾
升沈此後何須問笑看兒曹賭選官

選官圖一卷見唐藝文志卽今之陞官圖也

寄外用官字韻

別後艱難事百端幾回飛夢向長安
愁顏入夜徒增淚病骨逢春易作酸
家計綢繆如絮系宦情落莫想囊乾
丈夫自具嶙峋骨莫怨侏儒食粟官

睢陽旅舍除夕書懷

藹香館吟草

七

家家今夕慶團圓爆竹聲中笑語歡
偏我思兒兼憶遠此時更覺淚難乾

槍絕家山兵火連藹摧荆折竟難全
更憐身與鷓鴣似才覓杖安又欲遷

望裏烽煙遍里閭大江南北渺愁余
天涯更有勞人在盼斷平安一紙書

寶鴨香燒裊細煙

骨如花瘦自憐多恨人偏逢此夕
有情仙祇別經年雛兒解向雙星拜
助我相思更萬千

寶鴨香燒裊細煙

骨如花瘦自憐多恨人偏逢此夕

有情仙祇別經年雛兒解向雙星拜

助我相思更萬千

題沈竹齋太守夫人慈暉館詩草

文字流真性難忘白髮親
年華花信短才調玉臺新
珠佩杳如夢錦囊空自春
僊郎腰已瘦披讀更傷神

九九消夏詩

光陰夏至已經過暑氣侵人可奈何
幸有輕紈新製扇憑闌招得晚風多

芙渠香裏晝長時坐久拋書倦不支
一枕花陰清夢醒蒲

葵猶在手中持子弗離手劉晏歎不司操煇容長隆正

浮來瓜李可消炎資盞清泉旋旋添
想到行人苦煩渴寒

漿入口不知甜三九二十七井水甜如蜜時外子冒暑行役

蘭香館吟查

三

火雲張繖映庭除香汗流珠午夢餘
莫恨輕羅衫溼透三

農曝背更何如四九三十六汗出如洗浴欲飲冰懸匠人苦賦

梧桐小院納涼天一葉驚看墮碧煙
不信新秋容易到玉

階行遍感流年五九四十五桐葉階前舞欲不支一付

避暑山巔與水隈招提深處好徘徊
蓮花臺下塵心淨便

覺清涼世界開六九五十四乘涼入佛寺可奈何幸有

冷泠清露漸侵檐一著新涼病易添
分付侍兒須檢點牀

頭今要置緗縑七九六十三夜眠尋被單已與

年來瘦骨不禁涼倦臥紗幮夜漸長
尋取嫁時羅被在周

迴七十二鴛鴦八九七十二思量蓋爽被軍論

蘭缸挑盡倦吟身。四壁蛩聲到耳頻。怪爾么麼能警懶。織
繡敢道不如人。九九八十一
階前鳴蟋蟀

謁金門

早春

綠髮點梅花。新綻綠雪。粉黛未嚙青歸楊柳眼。

暮靄輕風。飄香。無恙生。庭院依舊。小樓簾半捲。待他曉。

詞

雨中花

落

風雨連朝。春寒未減。香篝未滅。空留殘燭。照人憔悴。

蘭香館墮草

西

天香張徹。賦庭前香汗流珠。午夢驚寒。恨輕羅衫。透

風。博香更何如。竹如洗。

清桐小院。納涼天。一葉鷓鴣。煙不信。新秋容易到。玉

露行遍。感流年。桐葉階前舞。

雲山。願與水隈。招提深處。好徘徊。蓮花臺下。塵心淨便

此清涼世界。開六九五十四
乘涼入禪寺

冷。清靈新。倦倦一著。新涼病易添。分付侍兒。須按點狀

今。雙眉。細細七九六十三
夜映翠被單

不。豈不取人。劉餗劇談
此此八十一是漸長。尋取。秋娘。前。羅被。在。羅

蘭香館。唵草完。良四遊。窈窕。匪耳。幾。外。爾。之。速。消。嘗。勳。猷。

繡餘詞草

常熟錢念生咀霞著

謁金門

早春

春一線。幾點梅花新綻。殘雪初融鶯未囀。青歸楊柳眼。
幾縷輕風翦。翦怕煞寒生庭院。依舊小樓簾半捲。待他雙
燕轉。

雨中花

落花

風雨連綿不斷。殘韻餘香零亂。著意畱春難將春縮。轉眼

繡餘詞草

紅妝換。寂寂小庭飛片片。花夢可憐誰管。最算是多情
憐香蛺蝶。猶是尋花伴。

聲聲慢

送春

風風雨雨暗地相催。春光到此將別欲待款畱無計反增
淒切。東君怎不體諒。促春回把人拋撇。更望裏儘銷魂只
見落花堆積。每到春歸時候便引起愁腸。細絲如織。杜
宇聲聲。不管舊時相識。枝頭報春去也。恁恁情了無憐惜。
怎似我倦傷春還戀此日。

南歌子

秋雨

風急寒吹早，燈昏繡懶挑。
颼颼颼打芭蕉，暗把夢魂驚散。
小窗窸窣，氣逼秋衾冷，聲和落葉飄。
淒涼無限，此清宵便沒些兒離緒也魂消。

清平樂

題趙珊珊掩鏡捧心小影

閒愁如許，心小難藏貯。
幻出絲絲飛欲去，又被睂峰鎖住。
亭亭獨立階西，此心試問誰知。
只有懷中明鏡，照伊一點情癡。

蝶戀花

繡餘詞草

咏雪和韻

昨夜長空煙霧裊，凜冽西風，暗地生寒峭。
冒冷推窗才始曉，千山一抹青春老。
日乍紅時陰變了，料也情多，怕損飛花貌。
便算儂家祥瑞早，階前玉樹天然好。

踏莎行

冬月和韻

一樣清輝，許多寒氣，玻璃澄徹冰輪裏。
近人流欲溼儂衣，萬分愛惜眠還未。
光動簾珠，影橫窗綺，空階潑冷渾如水。
果然暗地約姮娥，夜寒偏耐雕欄倚。

浪淘沙

冬風和韻

徹骨五更風吹聚霜濃寒帷更覺冷重重瘦竹聲聲敲不住
濤湧虬松一澹日忽朦朧煙霧輕籠封姨暗暗弄神通
想是欲傳梅信息特地尋儂

點絳脣

盆梅將開以紙帳護之

出手枝高恁般細蕾寒成簇暗香生玉牢把歲蕤束最
早春光又恐春光促低低囑慢些開足不許風絲觸
國香慢

本意和韻

繡餘詞草

三

種出空山更鉛華洗盡別破花關靈根近移深院稱此幽
閒況又芳馨竟體供瓷斗格外清妍孤高問誰似野菊疎
梅伯仲之間護蘭情脈脈問靈均去後幾度淒然從今
得意合教相對忘言未許蓬蒿甘老伴佳人暗與流連盈
盈小窗畔瘦影如儂越地相憐

詹嫵

殘月和韻

賸三分清影一縷寒光還又澹河漢不改如鉤樣低低掛
更闌人靜深院爲誰意嬾嘆素蛾消減無限也應戀三五
團圓好奈容易更換閒算重重離怨想柳郎當日曾妙

詞翰料得冰魂去垂楊外曉風一樣吹遠舊情未斷待再
圓休更剖散便莫問盈虧同一拜了心願夫子三娶彭城氏子其季也後

半闕隱寓此意

沁園春

贈外

約略前身君與阿儂有未了因但自慚蒲柳敢言伉儷替
司中櫛怎許娉婷刺繡閒時吟箋寄與月底花前聊遣情
君休笑是班門弄斧媿不如卿珠傾露洗秋汀道秋水
儂神一樣清本桃紅杏豔從來羞比鶯嬌燕婉祇是慵聽
君守清貧妾甘澹泊舉核光鴻記也曾低聲屬願百年偕

繡餘詞草

四

老莫負釵荆

長相思

雨夜寄懷

山迢迢水迢迢夢過江南第幾橋尋君路更遙醒無聊
睡無聊一點愁心無計消那堪雨滴蕉前麻

釵頭鳳

鐙下寫家書寄外

同心偶分離久自憐無日舒眉柳妝臺角鐙花落聽殘宵
漏又聞街柝閣閣秋涼後西風透暗愁生逼腰支瘦
衣單薄人蕭索此情誰寄倩他靈鶴託託託

闌干萬里心

春雨憶別

卮字小欄環曲折恰似我寸腸千結亂愁絲和雨絲絲盡
付與鶯梭織綠楊風裏傷離別憔悴也問誰憐惜此情
只有彩毫知細畫出相思切

多麗

冬夜病臥不寐倚枕賦此

聽聲聲城頭畫角哀鳴怪無端頻來枕上夢魂欲定還驚
意懸懸淒淒切切人寂寂冷冷清清寒逼羅帷風欺鐙影
此時此際暗愁生更空外蕭蕭落葉和雨灑幽庭那堪又
孤鴻嘹唳似訴離情憶別離千里萬里歎幾度誤歸程
病和貧一身獨倚愁與恨兩地難併如此殘年者般淒況
徹宵捱遍短長更只贏得雙眸長醒弱骨瘦伶俜悲吟罷
問天何意付我心靈

釵頭鳳

寄懷

腰如擲人如削無端臂褪黃金約燈銷暈香銷燼衾兒無
夢雁兒無信悶悶悶秋衫薄秋風惡感秋人被秋纏縛
歸期問何時穩籤兒無據卦兒無準恨恨恨

醉花陰

寄外

別夢初圓風擊碎夢醒添憔悴一片落花飛知道春歸知
道人歸未東君去後重門閉諳盡愁滋味差勝絮飄零
江北江南流遍離人淚

點絳脣

寄外

嶺隔雲高夢兒欲把羊城繞怪他雙權不送魂飛到多
病多愁多恨多煩惱誰知道情田雖小長遍相思草

叔祖母繡餘草一冊詩詞雜寫行楷各半二如齋中物
也叔祖居齋中課輔十年時出把翫輔輒竊讀之畧皆

繡餘詞草

六

上口亂時與叔祖之課餘詞二冊同度白龍港丙舍兵
燹失去此冊不知出何人之手詩詞分錄且僅得十之
一二頗多竄易如除夕憶外中四句云五歲小兒不解
事隨我學拜喜欲顛聽熟毛詩三兩葉信口朗誦綢繆
篇真趣盎然改作大半部復成何語其他妄改處尙多
今惟據詞入梓所改就可記者已臆定四五處不能記
者仍之亦校勘家之舊例也光緒庚辰上元後二日廷

輔記

繡餘詞草完

